

四庫全書

史部

欽定四庫全書

史部

御批資治通鑑綱目卷三十二

詳校官修撰臣錢棨

編修臣程嘉謨覆勘

總校官降調編修臣倉聖脉

校對官檢討臣王鍾健

謄錄監生臣陳熙

欽定四庫全書

御批資治通鑑綱目卷二十二

起乙酉晉孝武帝太元十年凡十四年

盡戊戌晉安帝隆安二年

乙酉十年 秦王苻丕大安元燕二後秦白雀二年○西燕

元年○舊大國三新大國考異 提要分註作秦哀平帝苻
國一小國一凡五僭國 丕據此年書丕稱帝王當

主作春正月燕慕容冲稱帝于阿房

是為西燕○冲稱帝改元頗有自得之志賞罰任情

慕容盛年十三謂慕容柔曰十人之長亦須才過九

人然後得安今中山王才不逮質實 阿房城名注見
人功未成而驕已甚治難齊乎 秦始皇三十五

年中山國名注見周威烈王二十三年時慕容冲封中山王故云

西燕主冲襲長安秦王堅與戰敗之

秦王堅與西燕主冲戰于仇班渠及雀桑皆破之又戰于白渠秦兵敗冲遣尚書令高蓋夜襲長安入其南城秦將軍竇衝等擊破之秦王堅與集覽仇班渠戰于城西又大破之追奔至阿城而還皆桑地名載記云甲寅戰于仇班渠乙卯戰于雀桑皆在京兆東北白渠漢武時白公所穿在京兆實白渠注見漢武帝太始元年

秦益州刺史王廣棄成都走質實

益州注見武帝泰始八年成都國名注同

上年○燕將軍平規攻薊拔之質實

薊縣名注見漢帝玄更始二年

○西

燕馮翊太守韋謙來奔

西燕主冲執秦尚書韋鍾以其子謙為馮翊太守使招集三輔壘主仰安民責之曰君雍州望族今乃從賊與之為不忠不義何面目以行質實馮翊郡名注於世乎謙以告鍾鍾自殺謙來奔

初元年三輔注見漢武帝征和元年

滎陽郡降質實

滎陽郡注見秦莊襄王元年

○燕遣將軍慕容麟屯

信都温屯中山

燕王垂攻鄴久不下將北詣冀州乃命趙王麟屯信都樂浪王温屯中山召遼西王農還鄴於是遠近以燕為不振頗懷去就農至高邑遣從事賈遠近出違期不還長史張攀請討之農不應假遼高陽太守參

佐家在趙北者悉假署遣歸退謂攀曰君所見殊誤
當今豈可自相魚肉俟吾北還遽等當迎於道左耳
溫在中山兵力甚弱撫舊招新勸課農桑民歸附者
相繼壁壘爭送軍糧倉庫充溢翟真夜襲中山溫擊
破之乃遣兵運糧以集覽睦邃姓名睦息質實鄴縣
餉垂且營中山宮室為反遽音粹
見漢獻帝建安十五年信都國名注見秦二世二年
樂浪郡名注見漢武帝元封二年遼西郡名注見漢
獻帝建安十年高邑縣名注見漢光武建武元年鄴
縣高陽郡名注見愍帝建興四年趙國名注見漢景
帝三年

夏四月劉牢之進兵至鄴燕王垂逆戰敗走中山牢之
追擊大敗而還

牢之至枋頭楊膺姜讓謀泄長樂公不收殺之牢之聞之盤桓不進及是乃至鄴燕王垂逆戰而敗遂撤圍北遁牢之引兵追之疾趨二百里至五橋澤爭燕輜重垂邀擊大破之牢之單馬走會秦技至得免鄴中饑甚丕帥衆就晉穀於枋頭牢之入屯鄴城兵復少振尋坐軍敗徵還丕亦還鄴燕秦相持經年幽冀人相食邑落蕭條垂以桑椹為軍糧北趣質實枋頭中山使農先驅畦遽等皆來迎上下如初質實地名注見成帝咸和八年一統志云五橋澤在開封府陳州城西南一十五里澤有五橋因名一名五梁溝輜重注見周顯王三十六年

太保安出鎮廣陵

會稽王道子專權復為姦諂所構與安有隙會秦來求救安乃請自將救之出鎮廣陵築新城而居之

質實

會稽國名注見漢和帝永元元年廣陵郡名注見漢武帝元朔五年新城在揚州府城北一十

里八

書法

前書太傅越出鎮許昌罪專也於是秦來求救安請自將救之則請命矣書與越同何病

晉也安自淮淝之捷上忌其功道子專權讒諂交構安之求出蓋自危也書曰太保安出鎮則晉之

君臣有餘責矣是故書出鎮許昌所以著越之自專懷帝永嘉六年書出鎮廣陵所以著安之自危

是年

美惡不嫌同辭

蜀郡太守任權攻拔成都復取益州○後秦攻秦新平

拔之

秦新平太守苟輔堅守以拒後秦糧竭矢盡外救不至後秦王萇使人謂曰吾方以義取天下豈讐忠臣邪卿但帥衆還長安吾止欲得質實

新平郡名注見太元九年長安

縣名注見漢惠帝五年

五月西燕攻長安秦王堅出奔五將山

西燕主冲攻長安秦王堅身自督戰飛矢滿體冲縱兵暴掠士民流散道路斷絕有堡壁三十餘結盟昌難遣兵糧助堅多為西燕兵所殺三輔民為冲所畧者密遣人告堅欲縱火為內應堅曰甚哀諸卿忠誠吾以猛士利兵困於烏合之虜豈非天乎恐徒使諸卿夷滅吾不忍也其人固請果不免而死堅驍將揚定戰復被禽堅大懼以讖書云帝出五將久長得乃留太子宏守長安帥騎數百與張夫人中山公詵奔

五將山告州郡期

質實

一統志云五將山在鳳翔府岐山縣北三十里亦名武將

以孟冬致長安山連亘扶風

長安縣界

六月秦太子宏奔下辨西燕主冲入長安

宏不能守出奔冲入長安縱兵大掠死者不可勝計

質實

下辨道名注見漢光武建武十一年

秋七月旱饑井竭○後秦圍五將山執秦王堅以歸○

秦太子宏來奔處之江州質實

江州注見漢武帝元鼎五年豫章郡

○八

月太保建昌公謝安卒

安有疾求還至建昌而卒詔加殊禮以葬謚曰文靖

質實

建昌縣名注見漢獻帝建安三年海昏

以琅琊王道子領揚州刺史錄尚書都督中外諸軍事

○後秦王苻弒秦王堅

後秦王苻幽秦王堅于別室使求傳國璽堅叱之曰
五胡次序無汝羌名璽已送晉不可得也苻復遣右
司馬尹緯說堅問緯在朕朝何官緯曰尚書令史
堅歎曰卿王景畧之衛而朕不知宜其亡也堅自以
平生遇苻有恩尤忿之數罵苻求死苻遣人縊之張
夫人中山公詵皆自殺後秦將士亦皆哀慟苻欲隱
其名諡堅曰壯烈天王司馬公曰論者皆以為堅之
亡由不殺慕容垂姚苻臣獨以為不然使堅治國無
失其道則垂苻皆秦之能臣也烏能為亂哉李克有
言數戰則民疲數勝則主驕以驕主御疲民未有不
亡者也堅
似之矣
質實
尹緯天水人景
畧王猛表字

書法

書起兵矣此以王書弒何甚堅臣也雖並稱王而君臣之分固在也故叛可不書弒不

可以不書甚不書弒則亂臣賊子接跡於天下矣是故茶廣皆王也茶嘗臣廣則書燕王茶弒遼東王廣
漢初乙未年
甚堅皆王也甚嘗臣堅則書後秦王甚弒秦王堅故曰綱目之修君臣之分而已矣

發明

甚前日叛秦書起兵者迫於自救故原情而恕其罪也今日殺堅則書弒者已實臣之故

正名而定其罪也

秦苻丕稱帝于晉陽

秦長樂公丕將赴長安時幽州刺史王永自薊走壺關遣使招之丕乃帥鄴中男女六萬餘口西如潞川

將軍張蚝并州刺史王騰迎入晉陽永質實長樂公

縣名注見太元三年丕符堅之長庶子幽州注見唐

高祖武德四年壺關縣名注見漢獻帝建安七年并

州注見愍帝建興四年晉陽縣名注見周威烈王二十三年

燕遣南中郎將慕容和守鄴考異提要無南中○劉顯

弑其君頭眷而自立考異按太元元年書秦分代為二部此書劉顯代南部劉庫仁

之子也據後書魏南部此劉顯上當有代南部三字

顯庫仁之子也既殺頭眷又將殺拓跋珪珪遂奔賀

蘭部依其舅賀訥訥兄染干忌珪得衆心舉兵圍之

珪母謂曰汝等欲於何置我而殺吾子乎染干慙而去

御批資治通鑑綱目

九月秦呂光還自龜茲擊涼州殺其刺史梁熙而代之

初呂光以龜茲樂欲留居之天竺沙門鳩摩羅什曰此不足留將軍但東歸自有福地可居光乃以駝二萬餘頭載外國珍寶奇玩驅駿馬萬匹而還兵至宜禾涼州刺史梁熙謀閉境拒之高昌太守楊翰曰光新破西域兵彊氣銳聞中原喪亂必有異圖若出流沙其勢難敵高梧谷口險阻之要宜先守之而奪其水彼既窮渴可以坐制如以為遠伊吾闐亦可拒也度此二阨雖有子房之策無所施矣熙不聽美水令張統曰行唐公洛上之從弟勇冠一時若奉為盟主以帥羣豪則光雖至不敢有異心資其精銳東合四州掃克逆寧帝室此桓文之舉也熙又不聽而殺洛於西海光聞翰謀懼不敢進杜進曰熙文推有餘機鑒不足終不能用宜及其上下離心速取之光至高昌翰以郡降至玉門熙移檄責光擅命還師遣其

子盾帥衆拒之光破擒之武威太守彭濟執熙以降
光殺之入姑臧自領涼州刺史郡縣皆降獨酒泉西
郡宋皓索泮不下光攻而執之責泮不降泮曰將軍
受詔平西域不受詔亂涼州梁公何罪而將軍殺之
泮力不足不能報讎主滅臣死固其宜也光皆殺之
主簿尉祐姦佞傾險與濟同執熙光寵信之祐諧殺
名士十餘人涼
州人由是不悅
質實 龜茲國名注見漢光武建武二
元狩元年沙門僧名注見漢明帝永平八年宜禾縣
名注見漢明帝永平十六年高昌郡名注見齊明帝
建武四年伊吾關注見漢明帝永平十六年伊吾屯
美水縣名未詳處所西海郡名注見元帝建武元年
玉門關名注見漢武帝元鼎二年武威郡名注見漢
光武建武十年姑臧縣名注見漢光武建武十二年
酒泉郡名注見漢武帝元封三年
西郡注見漢宣帝元康四年湟中

乞伏國仁自稱單于

國仁稱單于置將相分其地置十二郡築勇質實苑
士城而都之秦封以為苑川王是為西秦
城名在臨洮府蘭縣西即乞伏國仁
所都後為赫連定滅之今故城存焉

河北州郡復降於秦

苻定苻紹苻謨苻亮皆自河北遣使謝罪中山太守
王寃固守博陵為秦拒燕不以定等皆為河北牧守
揚定自西燕亡奔隴右收集舊眾實銜據茲川有眾
數萬與定及秦州刺史王統河州毛興益州王廣南
秦州楊璧皆自隴右遣使邀丕共擊後秦丕各進其
位號定尋徙治歷城自稱仇池公遣使稱藩于晉後
又取天水畧陽之質實博陵郡名注見周威烈王二
地自稱隴西王質實十三年中山茲川地名未詳

處所秦川注見漢光武建武元年河州注見穆帝永和三年南秦川注見漢光武建武十一年下辨歷城縣名注見漢光武建武五年歷下仇池縣名注見惠帝元康七年天水郡名注見漢光武建武元年畧陽郡名注見懷帝永嘉四年隴西郡名注見秦王政三年

冬十一月燕以慕容農為幽州牧守龍城考異

提要無為幽州

牧四字
今從之

燕將軍餘巖據令支而高句麗亦擊取其遼東二郡燕王垂遣農討嚴斬之進擊高句麗復取二郡還至龍城繕脩陵廟垂以農為幽州牧留鎮之農法制寬簡清刑獄省賦役勸農桑居民富贍四方流民至者數
質實令支縣名注見成帝咸康四年高句麗東夷國名注見新莽始建國五年遼東郡名

注見秦王政三年龍城
注見成帝咸康六年

十二月燕慕容麟攻秦博陵守將王褒死之

麟攻博陵城中糧竭矢盡功曹張猗踰城出聚衆以應麟充臨城數之曰卿是秦民吾是卿君卿起兵應賊而號義兵何名實之相違也古人求忠臣必於孝子之門卿母在城棄而不顧吾何有焉今人取卿一時之功則可矣寧能忘卿不忠不孝之罪乎不意中州禮義之邦乃有如卿者也麟拔博陵執褒殺之

發明

秦雖夷狄非劉石比故其臣有能守節者得書于冊此則進于中國者也後書徐嵩及毛

后其義亦同

燕定都中山

燕王垂北如中山謂諸將曰樂浪王招流散實倉廩
外給軍糧內脩宮室雖蕭何何以加之乃定都焉

質寶

樂浪郡名注見漢武帝元封二年

丙戌十一年

秦王苻登太初元燕建興元後秦建初元西燕王慕容永中興元年○魏太祖道武帝拓

跋珪登國元年○涼王呂光天安元年○僭大考異據
國四西秦小國一新大國一小國一凡七

年書苻登稱帝分注當作秦主苻登涼王呂光上
當注前涼張大豫鳳凰元年涼王上當有後字 春正

月拓跋珪復立為代王

珪從曾祖紇羅與諸部大人共請賀訥推珪為主大
會於牛川即代王位以長孫嵩叔孫普洛為南北部
大人分治其衆以張袞為左長史許謙為右司馬王
建等為外朝大人奚牧為治民長皆掌宿衛及叅謀

議長孫道生
等出納教命

燕王垂稱皇帝

始置公卿百官
繕治宗廟社稷
質實
社稷注見新
莽天鳳元年

丁零翟遼據黎陽

翟斌之死也遼奔黎陽太守滕恬之甚愛信之恬之
喜畋獵不愛士卒遼潛施姦惠以收衆心遂執恬之
而據集覽丁零北狄種名注見漢武帝天漢元
其郡黎陽縣名注見漢獻帝建安四年

二月西燕弑其主冲立段隨為燕王

冲樂在長安且畏燕主垂之彊課農築室為久安計
鮮卑咸怨將軍韓延因衆心殺之立冲將段隨為燕

王質實

鮮卑東夷種名注見漢光武建武二十五年

張大豫起兵攻姑臧

初張天錫之南奔也秦長水校尉王穆匿其世子大豫與俱奔河西至是魏安人焦松聚兵迎大豫為主攻拔昌松進逼姑臧穆曰呂光糧豐城固甲兵精銳不如席卷嶺西礪兵積粟然後東向不及暮耳光可取也大豫不從自稱涼州牧使穆說質實長水校尉翰嶺西諸郡皆起兵應之保據楊塢質實注見漢順帝陽嘉二年河西邵名注見漢安帝元初元年魏安縣名未詳處所昌松地名未詳處所楊塢地名未詳處所

代徙都盛樂

欽定四庫全書

漢書

卷二十二

代王珪徙居定襄之盛樂

集覽

盛樂注見漢後主景耀四年

質實

定襄

郡名注見懷帝永嘉六年

三月泰山太守張願叛謝玄退屯淮陰

初謝玄欲使朱序屯梁國而自屯彭城以北固河上西援洛陽朝議以征役既久欲令玄置戍而還至是

張願以郡叛降翟遼北方騷動玄謝罪乞解職詔慰諭令還淮陰

質實

梁國注見漢景帝三年彭

城郡名注見秦始皇二十八年淮陰縣名注見漢獻帝建安元年

燕主垂追尊母蘭氏為文昭皇后

燕主垂欲遷文明段后為別室而以蘭后配享太祖議者皆以為當然博士劉詳董謚以為堯母為帝謚

妃位第三不以子貴陵姜嫄文昭后宜立別廟垂怒
逼之詳鑑曰上所欲為無問於臣臣按經奉禮不敢
有貳垂乃不復問而卒行之又以可足渾后傾覆社
稷追廢之尊烈祖昭儀段氏為景德皇后配享崔鴻
曰齊桓公命諸侯無以妾為妻夫之於妻猶不可以
妾代之況子而易其母乎春秋所稱母以子貴者君
母既沒得以妾母為小君也至於享祀則不得為配
矣君父之所為臣子必習而效之實之殺母由垂為
之漸也可足渾氏雖有罪於前朝然小君之禮成質
矣垂以私憾廢之又立兄妾之無子者皆非禮也
實堯母為帝譽妃位第三通鑑外紀云帝譽第三妃
曰慶都乃陳鋒氏之女也有赤龍之祥孕十四月
而生堯於丹陵詳
見史記及世編

西燕人殺段隨而東至聞喜立慕容忠復稱帝

燕慕容恒慕容永殺段隨立宜都王子顗帥鮮卑男女四十餘萬口去長安而東恒弟韜殺顗恒又立冲之子瑤永又殺之乃立泓之子忠為帝忠以永為丞相永持法寬平鮮卑安之至開喜聞燕主垂己稱帝不敢進築燕熙城而**集覽**聞喜本絳川曲沃縣漢質居之永廐弟之孫也武改開喜今屬解州

實

一統志云宜都晉之郡名治夷陵縣唐為縣後廢之故城在荊州府夷陵州境又注見漢光武建武

九年夷道開喜漢之縣名屬河東郡即秦之左邑也武帝經邑之桐鄉聞破南粵因置開喜縣東漢罷左邑移開喜治此後魏屬正平郡後周移治柏壁隋屬絳州又移治甘谷唐復徙縣於桐鄉故城宋屬解州金元仍舊本朝因之改屬平陽府

書法

段隨書立為王矣不書弒何外之也曷為外之不當立也故不成其君而以兩下相殺書

之

夏四月代改稱魏○後秦王萇取長安稱皇帝

鮮卑既東長安空虛萇取之始稱皇帝置百官

六月以楊亮為雍州刺史鎮衛山陵荊州刺史桓石民

取弘農初置湖陝二戍質實

弘農郡名注見周顯王四十五年湖陝二縣名湖注

見漢武帝征和二年陝注見周顯王四十五年

○西燕弒其主忠立慕容永為

河東王

發明

西燕既弒冲而立段隨又殺隨而立忠未幾忠又見弒而永立矣半年之間四易其主醜

類相殘如此綱目皆正其罪者不以夷狄昏亂之故而廢上下之分也段隨書殺非慕容氏之族故不成乎君

○秦河北州郡復降於燕○關隴諸郡復起兵為秦

秦主丕以王永為左丞相傳檄四方共討姚萇慕容垂於是天水馮翊河東京兆扶風咸起兵遣使詣秦質實傳檄注見楚義帝元年河東郡名注見漢獻帝建安七年京兆郡名注見漢武帝太初元年扶

風郡名注
同上

書法

前書河北州郡復降於秦不書燕河北於是復降於燕則書秦河北何不以河北予燕也

河北故燕土曷為不以予燕垂叛者也綱目書垂以叛固不得以河北予之矣然則西燕書起兵非

叛者也關隴諸郡西燕嘗得之何以不繫之西燕
西燕而既東矣關隴則秦舊地或繫或不繫綱目

之權衡

審矣

秋八月秦以苻登為南安王考異

提要作秦苻登起兵南安

枹罕諸氏以河州刺史衛平袁老議欲廢之會七夕
宴氏啖青抽劍而前曰天下大亂非賢主不可濟衛
公老矣宜返初服狄道長苻登王室疎屬志畧雄明
請共立之有不同者即下異議乃奮劍攘袂將斬異
已者衆皆從之於是推登為雍河二州牧帥衆五萬
下隴攻南安拔之馳使請命秦主丕即而命之仍封
南安
集覽 枹罕注見漢靈帝中平元年氏啖青氏註
王 見漢武帝元狩元年啖青姓名氏人也狄
道長隴西郡狄
質實 河州注見穆帝永和三年狄道
道縣之長也 縣名注見漢高后六年雍州注

見唐玄宗開元十一年隴山名注見漢光武建武八年隴城南安郡名注見漢後主建興六年

冬十月西燕擊秦敗之秦主丕奔東垣將軍馮該擊殺

之

慕容永遣使詣秦主丕求假道東歸丕不許與戰于襄陵秦兵大敗丞相王永等皆死丕帥騎數千南奔東垣謀襲洛陽馮該自陝邀擊殺之

質實

襄陵縣名注見周顯

王十七年東垣城名注見漢高帝八年洛陽縣名注見周顯王三年建康郡名注見漢獻帝興平二年金陵

西燕慕容永稱帝於長子

永進據長子即帝位將以秦后楊氏質實長子縣名
為上夫人楊氏引劍刺之為永所殺注見周威

烈王二十三年

海西公奕薨於吳考異

提要薨作卒按凡例正統失尊曰卒注曰周赧漢獻之類竊考

帝奕為權臣所廢而國未亡故從質實吳郡名注見漢

北鄉侯之例當從綱目刊本為是書法嘗書帝奕矣此其不書帝何避今帝也書薨

外書薨十有四而廢主書

發明此何以書海西公避今帝也名之失國之君也書薨異乎臣也

○秦苻登及後秦主苻萇戰大破之

登既克南安夷夏歸之者三萬餘戶遂進攻後秦主
苻之弟碩德于秦州苻自往救之登與戰大破之啖
青射苻中之苻走保質實上邽縣名注見漢
上邽碩德代統其衆光武建武八年

十一月秦苻登稱帝於南安考異

提要無於南安三字

秦尚書寇遺奉勅海王懿自杏城奔南安登發丕喪
行服議立懿為主衆曰渤海年幼未堪多難非大王
不可登乃即質實渤海郡名注見漢獻帝建安八年
帝位置百官南皮杏城鎮名注見漢獻帝建安
十七年鄺

十二月呂光自稱酒泉公

初光得秦主堅凶問舉軍縞質實酒泉郡名注見漢
素至是自稱涼州牧酒泉公武帝元朔三年

秦主登伐後秦

秦主登立世祖神主於軍中載以輜輶衛以虎賁凡所欲為必督而後行引兵五萬東擊後秦將士皆刻鉉鎧為死休字每戰以鉞稍為方圓大陣知有厚薄從中分配故人自為戰所向無前初長安之將敗也將軍徐嵩胡空各聚眾結壘自固既而受後秦官爵後秦以王禮塋秦主堅於二壘之間及登至嵩空以壘降登拜嵩雍州刺史空京

集覽

輜輶輶也衣物兆尹改塋堅以天子之禮

車輶屏也四面屏蔽故曰輶車輿服志注輶車有衣蔽無後轅者謂之輶車

質實

虎賁注見漢平

帝元始五年

書法

書伐何義登也於是登祀世祖於軍中所為必督將士皆刻鉉鎧為死休字庶乎其有復

讐之志矣故特書伐既而兵各引還則非能義討者也故後復書擊

丁亥十二年

秦太初二燕建興二後秦建初二魏登國二年

春正月以朱序為青

宛刺史鎮淮陰謝玄為會稽內史○燕寇東阿陷之

濟北太守溫詳也東阿燕主垂觀兵河上分兵擊之詳奔彭城其衆皆降垂以太原王楷為袁州刺史鎮之初垂在長安秦王堅嘗與之交手語冗從僕射光祚言於堅曰陛下頗疑慕容垂乎垂非久為人下者及燕取鄆祚奔晉晉以為河北郡守至是詣燕軍降垂見之流涕曰秦主待我深吾事之亦盡但為公猜忌懼死而負之每一念之中宵不寐祚亦悲慟垂賜祚金帛祚辭垂曰卿復疑耶祚曰臣昔者惟知忠於所事不意陛下至今懷之臣敢逃死垂曰此卿之忠固吾之所求也前言戲之耳待之彌厚

集臨見

冗從僕射顏師古曰冗從散職之從王者也僕射秦官僕主也古者重武事每官有主射課督之特闕中語傳為夜音耳史炤曰冗從僕射主武貢中郎羽林郎將之屬

質實

濟北郡名注見漢王劉邦元年

東阿縣名注見周顯王六年

秦封苻纂為魯王考異

提要作秦苻纂起兵杏城

初纂自長安奔晉陽襄陵之敗奔杏城至是秦主登遣使拜纂為大司馬封魯王纂怒曰渤海王先帝之子南安王何以不立而自立乎長史王旅諫曰南安王已立理無中改今寇虜未滅不可宗室中自為仇敵也纂乃受命於是盧水胡彭沛穀新

質實

盧水縣名注見

安帝隆安元年

燕擊張願破之以慕容紹為青州刺史守歷城

青兗徐州郡縣壁壘多降於燕垂質實陳留郡名注見周顯王二

十九年歷城縣名注見漢光武建武五年歷下

夏四月尊帝母李氏為皇太妃考異

帝字義按漢本初元年書尊母隲氏

為博園貴人及前後書嫡母庶母並不加帝字

○燕慕容柔等自長子歸于燕

燕主垂之子柔及孫盛會皆在長子盛謂柔會曰主上中興東西未壹吾屬居嫌疑之地為智為愚皆將不免不若以時東歸無為坐待魚肉也遂相與亡歸垂問長子人情如何盛曰西軍擾擾人有東歸之志若大軍一臨必投戈而來若孝子之歸慈父也後歲餘西燕殺垂子孫無遺者質實長子縣名注見

周威烈王

二十三年

五月燕使其太原王楷擊翟遼降之考異

提要楷誤作紹

高平人翟暢執太守以郡降遼燕王垂曰遼以一城之衆反覆二國之間不可不討乃帥諸將南攻遼以太原王子吾之父母也相帥歸之遼懼遣使請降質實

高平縣名注見漢光武建武六年

徵處士戴逵不至

詔徵會稽處士戴逵逵累辭不就郡縣敦逼不已逵逃匿于吳內史謝玄上疏曰逵自求其志今王命未回將罹風霜之患陛下既已愛而器之質實戴逵國人宜使其身名並存請絕召命帝許之

秋七月西秦擊鮮卑三部降之○後秦主苻軍陰密以

太子興守長安質實

陰密縣名注見周赧王五十八年

○魏王珪以燕

師擊劉顯大破之顯奔西燕考異

按前書劉顯弑君此擊字當作討

劉顯地廣兵彊雄於北方會其兄弟垂爭魏張袞言於魏王珪曰顯志在并吞今不乘其內潰而取之必

為後患請與燕攻之珪乃遣使乞師於燕會柔然獻馬於燕而顯掠之燕主垂怒遣兵會魏擊顯大破之

顯奔西燕垂立其弟為烏桓王集覽

柔然北狄國名元魏神元帝末

掠騎得一奴髮始齊眉其主字之曰木骨閭蓋木骨閭虜語首禿也木骨閭與郃久閭音相近因為氏

至其子車鹿會雄健始有部眾自號柔然魏太武帝以其無知狀類動蟲故改其號曰蠕蠕也蠕乳究反

呂光殺張大豫○八月立子德宗為皇太子○秦苻師奴殺其兄纂後秦擊走之而降其衆

秦馮翊太守蘭積帥衆二萬與魯王纂謀攻長安纂弟師奴勸纂稱尊號纂不從師奴殺而代之積遂與師奴絕後秦攻之師奴敗走其衆悉降

秦主登進據將軍胡空堡考異提要無將軍二字

戎夏歸之者十餘萬

冬十月翟遼復叛燕○十二月後秦攻秦拔將軍徐嵩壘嵩死之

後秦姚方成拔嵩壘執而數之嵩罵曰汝姚萇罪當萬死先帝赦之授任內外榮寵極矣曾不如犬馬識所養之恩親為大逆汝羌輩豈可以人理期也何不速殺我早見先帝取萇於地下治之方成怒三斬嵩悉坑其士卒萇掘秦主堅屍鞭撻剥裸薦之以棘坎土而埋之

涼州大饑人相食

書法

綱目書人相食十詳漢
而戊年舍是無書者矣

戊十三年

秦太初三燕建興三後秦建初三魏登國三年○西秦王乞伏乾歸太初元年春正

月康樂公謝玄卒質實

一統志云康樂晉之縣名屬豫章郡劉宋末省入建城縣故城

在瑞州府高安縣東北四里劉宋封謝靈運為康樂侯即此城外周迴山水靈運無不遊宴有繡經石登山路

書臺石硯
猶存焉

武謚獻

秦主登軍朝那後秦主苻軍武都質實

朝那縣名注見漢文帝十四年

武都郡名注見漢獻帝建安二十三年

○翟遼自稱魏天王

遼遣使謝罪於燕燕主垂以其反質實滑臺注見覆斬之遼乃自稱魏王徙屯滑臺太元九年

呂光殺其武威太守杜進

光之定涼州也進功居多貴寵用事羣僚莫及光甥石暕自關中來光問之曰中州人言我為政何如暕曰但聞有杜進耳不聞有舅光由是忌進殺之他日與羣僚語及政事參軍段業曰明公用法太峻光曰

吳起無恩而楚彊商鞅嚴刑而秦興業曰起喪其身
鞅亡其家皆殘酷之致也明公慕之豈此州士女所
望哉光改質實武威郡名注見唐中宗景龍二年涼
州注同上年吳起無恩而楚彊事在

周安王十五年商鞅嚴刑
而秦興事在周顯王十年

夏四月以朱序都督司雍等州軍事成洛陽譙王恬都
督兗冀等州軍事鎮淮陰○六月西秦王乞伏國仁卒

弟乾歸立考異

立當作嗣又按十年書國仁
自稱單于未嘗書稱王疑漏考證當去
乞伏

二字

乾歸號河南王遷都金城秦封以質實貝金城郡名注
為金城王秦涼鮮卑羌胡多附之質實貝見漢武帝元

狩二年鮮卑東胡種名注
見漢光武建武二十五年

秋七月兩秦兵各引還

兩秦自秦相持屢戰互有勝負至是各解
歸關西豪傑以後秦無成功多去而附秦

八月魏遣使如燕

魏主珪密有圖燕之志遣九原公儀奉使至中山還
言於珪曰燕主衰老太子闇弱范陽王自負材氣非
少主臣燕王既沒內難必作於質實九原郡名注見
時乃可圖也今則未可珪善之

年范陽國名注
見秦二世元年

己十四年秦太初四燕建興四後秦建初
四魏登國四年○涼麟嘉元年春正月燕以

慕容隆為幽州牧守龍城考異

提要無為幽州牧四字

遼西王農在龍城五年庶務脩舉表請代還燕王垂乃召農還為侍中司隸校尉而以高陽王隆代之農建留臺龍城使隆錄留臺尚書事隆因農舊規修而廣之遼碣遂安質實遼碣注見穆帝永和七年

二月呂光自稱三河王○秋八月秦主登擊安定後秦

主萇襲破其輜重秦后毛氏死之質實

安定郡名注見漢光武建武元年

年

初後秦主萇以秦戰屢勝謂得秦主堅之助亦於軍中立堅像而禱之曰新平之禍臣為兄襄報讐耳且陛下命臣以龍驤建業臣敢違之秦主登升樓遙謂之曰為臣弑君而立像求福庸有益乎因大呼曰弑

君賊姚萇何不自出吾與汝決之萇不應久之以軍
未有利斬像首以送秦至是登留輜重於大界自將
輕騎攻安定諸將勸萇決戰萇曰與窮寇爭勝兵家
之忌也吾將以計取之乃留兵守安定夜帥騎三萬
襲大界克之擒名將數十人掠男女五萬口登后毛
氏美而勇善騎射兵入其營猶彎弓跨馬帥壯士力
戰殺七百餘人衆寡不敵為後秦所執萇將納之毛
氏罵且哭曰姚萇汝已殺天子又欲辱皇后皇天后
土寧汝容乎萇殺之諸將欲因秦軍駭亂擊之萇曰
登衆雖亂怒氣猶盛未可輕也遂止登收餘衆屯胡
堡空

書法

書死之何予節也婦人死節終綱目一人而
已秦世氏耳前書王充繼書徐嵩此書毛氏

死節者凡三人世亂識忠臣信哉終綱目書烈
婦二漢獻帝建安九年徐州袁術氏是年毛氏

冬十一月以范甯為豫章太守

初帝既親政事威權已出有人主之量已而溺於酒色委政於琅瑯王道子道子亦嗜酒日夕與帝以酣歌為事又崇尚浮屠窮奢極費所親昵者皆娼姆僧尼近習弄權交通請託賄賂公行官爵濫雜刑獄繆亂尚書令陸納望宮闕歎曰好家居織兒欲撞壞之邪左衛將軍詐營上疏曰局吏衛官僕隸婢兒皆為守令或帶內職僧尼乳母競進親黨又受貨賂輒使臨官政教不均暴濫無罪且佛者清遠玄虛之神今僧尼於五誠麤法尚不能遵而流俗競加敬事以至侵漁百姓取財為惠亦未合布施之道也疏奏不省道子勢傾中外帝漸不平侍中王國寶以讒佞有寵於道子諷八座啓道子宜加殊禮護軍車胤曰此乃成王所以尊周公者今主上當陽豈得為此乃稱疾不署疏奏帝大怒而嘉胤有守中書侍郎范甯徐邈

為帝所親信數進忠言補正闕失指斥姦黨國寶甯
之甥也甯尤疾其阿諛勸帝黜之國寶遂與道子譖
甯出為豫章太守○甯臨發上疏曰今邊烽不舉而
倉庫空匱古者使民歲不過三日今之勞擾殆無三
日之休至有生兒不復舉養鰥寡不敢嫁娶臣恐社
稷之憂厝火積薪不足喻也又言中原士民流寓江
左歲久安業謂宜正其封疆戶口皆以土斷又人性
無涯奢儉由勢今并兼之室亦多不贍由用之無節
爭以靡麗相高故也禮十九為長殤以其未成人也
今以十六為全丁十三為半丁傷天理困百姓謂宜
二十為全丁十六為半丁則人無夭折生長滋矣帝
多納用之○甯在豫章遣十五議曹下屬城採求風
政并吏假還訊問官長得失徐邈與甯書曰足下聽
斷明允庶事無滯則吏慎其負而人聽不惑矣豈煩
邑至里詣飾其游聲哉非徒不足以致益乃實蠶漁
之所資豈有善人君子而干非其事多所告白者乎

自古以來欲為左右耳目者無非小人皆先因小忠而成其大不忠先藉小信而成其大不信遂使讒諂並進善惡倒置可不戒哉足下慎選綱紀必得國士以攝諸曹諸曹皆得良吏以掌文案又擇公方之人以為監司則清濁能否與事而明足下但平心而處之何取於耳目哉昔明德馬后未嘗顧左右與言可謂遠識况大丈夫而不能免此乎○甯好儒學性質直常謂王弼何晏之罪深於桀紂或以為貶之太過甯曰王何蔑棄典文幽沉仁義游辭浮說波蕩後生使縉紳之徒翻然改轍以至禮壞樂崩中原傾覆遺風餘俗至今為患桀紂縱暴一時適足以喪身覆國為後世戒豈能回百姓之視聽哉故吾以為為一世之禍輕歷代之患重自喪

集覽 妯娌妯娌武酣反女師也織之惡小迷眾之罪大也

冠而猶言小兒也五誠傳燈錄曰元珪禪師有異人我冠而至曰我嶽神也稽首乞戒師曰付汝五戒能不

淫乎能不盜乎能不殺乎能不安乎能不遭酒敗乎
對曰能師曰如是為佛誠主上當陽顏師古曰天
子臨朝謂之當陽左傳文四年天子當陽諸侯用命
也注湛露曰湛湛露斯匪陽不晞晞乾也言露見日
而乾猶諸侯稟天子命而行并兼之室謂大家并役
小民之力富者兼有貧者之財長殤記檀弓上篇注
年十六至十九為長殤十二至十五為中殤八歲至
十一為下殤七歲以下為無服之殤生未三月不為
殤宜二十為全丁十六為半丁晉武帝初有司奏男
子年十六以上至六十為正丁十五以下至十三六
十以上至六十五為次丁十二以下六十六以上為
老小不事也宋武帝時王敬弘言十五至十一宜為
半丁十七為全丁并更假還吏休假歸家而未還職
者并令採訪之慎選綱紀綱紀注見宋文帝元嘉元
年
正誤并更假還令按并猶及也此謂吏休假而還
郡則問以所見屬城官長之得失非謂并令

議曹採訪吏假還家者也

質實

浮屠僧名注見宋明帝泰始七年陸納吳郡人玩之子八座官名注

見唐太宗貞觀十年車崩南平人育之子豫章郡名注見漢武帝元鼎五年明德馬后漢章帝之后

秦將軍雷惡地降於後秦考異

提要無將軍二字

後秦主苻使人詐招秦主登許開門納之登將從之將軍雷惡地在外聞之馳騎見登曰苻多詐不可信也苻聞之謂諸將曰此羌見登事不成矣登亦以惡地勇畧過人憚之惡地乃降於後秦

庚寅

十五年

秦太初五燕建興五後秦建初五魏登國五年

春正月西燕主永寇

洛陽朱序擊走之還擊翟遼又走之

西燕主永引兵向洛陽朱序自河陰北濟河擊敗之永走還上黨序追至白水會翟遼謀向洛陽序乃引

兵還擊走之留將軍朱黨守石門質實
河陰縣名注

使其子畧督護洛陽身還襄陽見漢光武建

武十五年平陰上黨郡名注見周赧王五十三年白

水縣名注見秦王政九年垣又澤州城南三里有白

水其源出湖泓水東南流合

丹水石門注見周顯王五年

書法書又走之重嘉序也

二月以王恭都督青兗等州軍事

琅瑯王道子恃寵驕恣帝浸不能平欲選時望為藩

鎮以潛制之問於太子左衛率王雅曰吾欲用王恭

殷仲堪何如雅曰恭風神簡貴志氣方嚴仲堪謹於

細行以丈義著稱然皆峻狹自是幹畧不長天下無

事足以守職若其事必為亂階矣

帝不從使恭鎮京口恭蘊之子也

集覽京口今鎮

江府治東

御批資治通鑑綱目

三四

五里有京峴山其城因山為壘謂之京質實京口郡鎮一曰京口隋置潤州宋陞鎮江府名注見

成帝咸和三年王雅東海郟人肅之曾孫王恭琅瑯臨沂人定皇后之兄

夏四月秦將軍魏揭飛攻後秦之杏城雷惡地應之後

秦主苻擊斬揭飛惡地降考異提要亦無將軍二字杏城上之字義據義熙七

年書夏攻秦杏城無之字

秦將軍魏揭飛帥氐胡攻後秦將姚當成於杏城將軍雷惡地應之攻李潤後秦主苻欲自擊之羣臣曰陛下不憂六十里苻登乃憂六百里魏揭飛何也苻曰登非可猝滅吾城亦非登所能猝拔惡地智畧非常若南引揭飛東結董成得杏城李潤而據之長安東北非吾有也乃潛引精兵一千六百赴之揭飛惡

秋七月馮翊人郭質起兵應秦不克

地有衆數萬氏胡赴之者首尾不絕見後秦兵少悉
衆攻之甚固壘不戰示之以弱潛遣騎出其後搗飛
兵擾亂甚縱兵擊之斬搗飛及其將士萬餘級惡地
請降甚待之如初命姚當成於所營之地每柵孔中
樹一木以旌戰功歲餘問之當成曰營地太小已廣
之矣甚曰吾自結髮以來與人戰未嘗如此之快以
千餘兵破三萬之衆營地質實杏城鎮名注見漢獻
惟小為奇豈以為大貴哉帝建安十七年鄜

質起兵廣鄉移檄三輔曰姚萇凶虐毒被神人吾屬
世蒙先帝之仁非常伯納言之子即卿校牧守之孫
也與其含恥而存孰若蹈道而死於是三輔壁壘皆
應之獨鄭縣人苟曜不從聚衆數千附於後秦擊質
質走洛陽集覽附於後秦附於二字之下脫一秦字
當是附於秦也其後秦二字屬下句正誤

郭質起兵為秦獨荀曜附於後秦擊質今按郭質起
兵應符秦獨荀曜不從故附於後秦而擊質晉書載
記此下有云後秦以曜為豫州刺史及曜變計密許
秦為內應與後秦未顯絕也後秦主苻知之故謂太
子曰荀曜來見汝執誅之若曜初即附秦安得
密召秦主登許為內應又何為見後秦太子也質實
一統志云廣鄉鎮名在鞏昌府秦州東八十里宋為
兩當縣治所元廢之常伯官名注見漢桓帝光和元
年納言官名注同上年鄭縣秦初所置屬內史即鄭
桓公之封邑漢屬弘農郡魏晉以後因之故城在西
安府華州城北後周移於州西南
九里隋又移於州域內元省入州

書法

人耳且不克何以書予義也荀義也雖人必
書故漢書析人帝立史始元年秦書馮翊人

是年唐書號州人
中宗胡聖四年

八月劉牢之擊翟遼敗之張願來降○九月以王國寶為中書令王珣為尚書僕射

辛卯十六年

秦太初六燕建興六年秦建初六魏登國六年

夏五月秦主登及後

秦主苻戰秦師敗績

苻曜密召秦主登許為內應登自曲牢赴之軍于馬頭原後秦主苻率眾逆戰登擊破之斬其右將軍吳忠長收兵復戰姚碩德曰陛下慎於輕戰每欲以計取之今失利而更前何也苻曰登用兵遲緩不識虛實今輕兵直進此必苻曜與之有謀也緩之則其謀得成故及其未合急擊之耳遂進戰大敗之登退屯

邵質實

邵縣名注見漢靈帝中平六年

發明

春秋書戰以及者為主然春秋惡兵之書凡戰專罪及者故傳者謂及猶汲汲也烏有為

子民之君而可汲汲與人戰者哉至於復讐討賊則汲汲為美是以莊公九年書及齊師戰於乾時我師敗績蓋謂莊公能與讐戰故書以與之今姚氏有弑堅之罪符登能與之戰意蓋在於復讐討賊故綱目書此與乾時同義是亦與之之意爾不然則是以好攻戰樂殺人為事也豈春秋之法哉

西燕寇河南太守楊佺期擊破之○魏王珪遣其弟觚

如燕

初燕遣趙王麟會魏兵伐賀訥破之歸言於燕主垂曰臣觀拓跋珪舉動終為國患不若攝之還朝使其弟監國事垂不從至是珪遣觚獻見於燕垂衰老子弟用事留觚以求良馬珪弗與遂與燕絕

秋九月黜博士范弘之為餘杭令質實餘杭縣名注見

年

弘之論殷浩宜加贈諡因叙桓溫不臣之迹王珣溫故吏也以為溫廢昏立明有忠貞之節遂黜弘之

書法

博士為令書黜何惡桓黨也

發明

弘之之黜不書其罪以分注考之乃王珣黨於桓氏為桓溫隱諱不臣之迹私意誣而黜

之簡故其書法如此

冬十月魏王珪擊柔然大破之徙之雲中

初柔然部人世服於代及秦滅代遂附於劉衛辰魏王珪即位高車諸部皆服獨柔然不下珪引兵擊之

桑然擊部遁走珪追奔六百里諸將曰賊遠糧盡不如早還珪曰殺副馬足以為三日食矣乃復倍道追之及於大磧南牀山下大集覽高車古赤狄之餘種破之悉徙其部衆於雲中集覽初號狄歷北方以為高車語畧與匈奴同而時有質實大磧注見梁武帝小異謂其先匈奴之甥也質實普通三年南牀山未詳處所雲中郡名注見秦王政三年

書法

桑然始見綱目

翟遼死子釗代領其衆○劉衛辰攻魏南部魏王珪大破之衛辰走死諸部悉降

劉衛辰遣子直力鞬率衆九萬攻魏南部魏王珪引兵五六千人大破之乘勝追奔部落駭亂珪遂直抵

其所居悅跋城衛辰父子出走分遣輕騎追之獲直
力覬衛辰為其下所殺珪誅其宗黨五千人河南諸
部悉降獲馬三十餘萬匹牛羊四百餘萬頭國用由
是遂饒衛辰少子勃勃亡奔薛干部薛干部送於沒
奕干沒奕干
集覽薛干本鮮卑別部之人
以女妻之
名其後因以為號焉

十二月秦主登攻安定後秦主苻擊敗之

秦主登攻安定後秦主苻如陰密以拒之謂太子興
曰苟曜聞吾北行必來見汝汝執誅之苻既行曜果
至長安興誅之苻敗登於安定城東登退據路承堡
苻置酒高會諸將皆曰若值魏武王不令此賊至今
陛下將牢太過耳苻笑曰吾不如亡兄有四身長八
尺五寸臂垂過膝人望而畏之一也將十萬之眾望
塵而進前無橫陣二也溫古知今講論道藝收羅英
雋三也董帥大眾人盡死力四也所以得建立功業

驅策諸賢者正望集覽魏武王姚萇兄襄也先襄攻

算畧中有片長耳秦為符堅所殺後萇僭位追

謚為魏武王將軍將養也詩云天不我將又將衛護

也宋太祖曰朕於臣下務在將護牢猶牢籠也後漢

馬融傳牢陵山正誤將軍今按或本牢誤作勞後

又孫子牢天下監軍之計在於將軍將軍一作持牢謂

不可郭圖曰監軍之計在於將軍將軍一作持牢謂

持守牢固猶言持重兩秦兵相持七年姚萇慎於輕

戰每欲以計取之質實安定郡名注見漢光武建

故曰將軍太過質實武元年路承堡未詳處所

軍王統徐成

壬辰十七年秦太初七燕建興七年後春三月後秦殺其將

後秦主苻寢疾召興詣行營姚方成言於興曰今寇

敵未滅王統等皆有部曲終為人患興遂殺統及王

廣荷脣徐成毛盛等長怒曰統兄弟吾之州質實曲

注見陳太帝
天嘉元年

夏五月朔日食○燕主垂擊翟釗奔西燕

燕主垂擊翟釗釗求救於西燕西燕主永謀於羣臣
尚書郎鮑遵曰使兩寇相弊吾乘其後此卞莊子之
策也侍郎張騰曰垂彊釗弱何弊之乘不如速救之
以成鼎足之勢今我引兵趨中山晝多疑兵夜多火
炬垂必懼而自救我衝其前釗躡其後此天授之機
不可失也永不從垂軍黎陽臨河欲濟釗列兵南岸
以拒之垂徙營就西津去黎陽西四十里為牛皮船
百餘艘偽列兵仗汧流而上釗亟引兵趨之垂潛遣
桂林王鎮等自黎陽津夜濟營於河南比明營成釗
亟還攻垂命堅壁勿戰釗兵往來疲竭攻營不拔將

引去鎮等出戰慕容農自西津濟夾擊大破之盡獲其衆及所統七郡三萬餘戶劉奔長子歲餘謀反永殺之垂以章武王宙鎮滑臺崔蔭為司馬蔭明敏彊正善規諫宙嚴憚之簡刑法輕賦役流民歸之戶口滋集覽翟劉翟直格反劉音招卞莊子之策注見惠帝永興二年自效於卞莊黎陽津注見漢王劉邦三年白馬津疲喝質實黎陽縣名注見漢成帝疲勞也喝音謁傷暑也質實綏和元年章武國名注見穆帝升平四年

秋七月秦主登引兵逼安定後秦主苻苌拒卻之

秦主登聞後秦主苻苌病大喜秣馬厲兵進逼安定苻疾小瘳出兵拒之登懼而還苻夜引兵躡其後旦而候騎告曰賊營已空不知所向登驚曰彼為何人去來不令我覺謂其將死忽然復至朕與此羌同世何

其厄哉登遂還集覽秣馬厲兵秣本作餽音未食馬
雍莠亦還安定穀也厲磨也磨厲兵器以須也

左傳僖三十三年質實雍縣名注見
求載厲兵秣馬矣周顯王八年

冬十一月以殷仲堪都督荆益寧州軍事

仲堪雖有時譽資望猶淺到官好行小惠綱目不舉
南郡公桓玄負其才比以雄豪自處朝廷疑而不用
年二十三始拜洗馬嘗詣琅瑯王道子值其酣醉張
目謂衆客曰桓溫晚塗欲作賊云何玄伏地流汗不
能起由是不自安而切齒於道子後出補義興太守
鬱鬱不得志嘆曰父為九州伯兒為五湖長遂棄官
歸國上疏自訟不報桓氏累世臨荊州玄復豪橫士
民畏之嘗於仲堪聽事前戲馬以稍擬仲堪叅軍劉
邁曰馬稍有餘精理不足玄不悅既出仲堪謂邁曰
卿狂人也玄夜遣殺卿我豈能相救邪使邁避之玄

果使人追之不及征虜叅軍胡藩過江陵見仲堪曰
玄志趣不常節下崇待太過非計也藩內弟羅企生

為仲堪功曹藩謂曰殷侯倒戈授集覽義興懷帝永
人必及於禍君不早去悔無及矣嘉四年琅瑯

王睿以陽羨人周玘糾合鄉里討斬錢璦故於玘質
鄉里置義興郡以旌之即此按陽羨今常州是

寶殷仲堪陳郡長平人浩之從子南郡注見漢獻帝
建安十三年洗馬官名注見武帝太始三年義興

郡名注見漢後主建興六年劉邁東萊掖人羅企生
豫章人荆益寧三州名荆注見漢獻帝建安十三年

益注見晉武帝泰始八年
寧注見漢武帝元狩元年

立子德文為琅瑯王徙道子為會稽王○李遼表請脩

孔子廟不報

清河人李遼上表請敕兗州脩孔子廟給戶灑掃仍立庠序以教學者曰事有如賒而實急者此之謂也疏奏質實清河郡名注見漢帝玄更始二年孔子廟注見周太祖廣順二年

書法

李遼何清河人也所請兗州廟也何以書嘉遼也故特書而揭名之兗州夫子所生也廟

廢不脩他可知矣綱目前書罷遣太學生徒繼書立佛精舍於是書請脩孔子廟不報重傷晉也書孔子廟始此綱目書孔子廟三是年壬午年宋脩孔子廟乙酉年梁立孔子廟

發明

晉氏立國無遠猷前因軍興罷遣生徒由是學校遂廢今李遼請修孔子廟使其從之不

過一敕下兗州爾疏入不報果何為者是時人君崇尚浮屠而朝廷薦紳方好老莊故其所為如此特筆貶之可媿甚矣

癸巳十八年

秦太初八燕建興八後秦建初八魏登國八年

秋七月秦竇衝叛秦

主登討之後秦使太子興救衝遂襲平涼

秦丞相竇衝叛稱秦王改元秦主登討之衝求救於後秦尹緯言於後秦主苻曰太子仁厚有聞而英畧未著請使擊登苻從之使興將兵攻胡空堡登解質衝圍以赴之興因襲平涼大獲而歸復鎮長安

實

平涼郡名注見唐玄宗天寶十五年載長安縣名注見漢惠帝五年

冬十月燕主垂擊西燕

燕主垂議伐西燕諸將曰永未有釁我連年征討士卒疲弊未可也范陽王德曰永國之枝葉儲舉位號宜先除之以壹民心垂曰司徒意正與吾同吾雖老叩囊底智足以取之終不留此賊以遺子孫也遂發

中山次集覽叩囊底智叩音寇發也謂我當盡發囊底之智算以取西燕漢書龜錯智囊顏

師古注言一身所有皆正誤叩囊底智今按漢龜錯是智算若囊橐之盛物

垂自言雖老然發囊底所存之餘智足以取西燕也

十二月後秦主苻卒太子興帥兵擊秦

苻疾甚還長安召太尉姚昱僕射尹緯等受遺輔政謂太子興曰有毀此諸公者慎勿受之汝撫骨肉以恩接大臣以禮待物以信遇民以仁四者不失吾無憂矣苻卒興秘不發喪自稱大將軍帥眾伐秦

甲十九年秦主苻崇延初元燕建興九後秦主姚興皇初元魏登國九年○是歲秦及西燕亡大三

小二凡五春正月三河王光以禿髮烏孤為河西都統

烏孤本鮮卑別種與拓跋同祖後徙河西烏孤雄勇
有大志與大將紛陀謀取涼州紛陀曰公必欲得涼
州宜先務農講武禮賢脩政然後可也烏孤從之呂
光遣使拜烏孤鮮卑大都統羣下皆曰吾士馬衆多
何為屬人石真若留曰吾根本未固大小非
敵不如受以驕之俟釁而動烏孤乃受之
集覽 禿髮
注見武帝
秦始六年
質實 河西郡名注見漢
宣帝元康四年

夏四月秦主登及後秦戰敗績奔平涼

秦主登聞後秦主苻登喜曰姚興小兒吾折技笞之
耳乃留安成王廣守雍太子崇守胡空堡盡衆而東
後秦太子興使尹緯據廢橋以待之秦兵爭水不得
渴死什二三緯與戰大敗之其衆夜潰登單騎奔雍
崇廣皆棄城走登奔平涼
質實 安成郡名注見周赧王
三十一
涼收遺衆入馬毛山
三十一
年馬毛山未詳

處所

五月西燕主永及燕戰敗績

燕主垂以二月部分諸將出壺關滏口沙庭以擊西
燕標榜所趣軍各就頓西燕主永聞之分道拒守聚
糧臺壁遣兵戍之既而垂頓軍鄴西南月餘不進永
疑垂欲詭道由太行入乃悉斂諸軍杜太行口惟留
臺壁一軍四月垂引大軍出滏口入天井關五月至
臺壁破之永召太行軍還自將拒之垂陳于臺壁南
遣千騎伏澗下及戰偽退永衆追之澗中伏發
斷其後諸軍四面俱進大破之永走歸長子
滏口滏奉甫反水名在鄴按輿地記滏水在
磁州滏陽縣南天井關在潞州上黨縣南
志云滏口滏水之源出彰德府磁州西北神麋山
湧沸如湯出釜東流至臨漳縣界入漳河太行山名

集覽

質實

一統

注見周安王十六年天井
關在澤州城南太行山頂

後秦主興立○六月追尊會稽太妃鄭氏曰簡文宣太

后

羣臣或謂宣太后應配食元帝太子前率徐邈曰太
后平素不伉儷於先帝子孫豈可為祖考立配國學
助教臧燾曰尊號既正則因極之情申別建寢廟則
嚴稱之義顯繫子為稱兼明貴之所由一舉而合三
義不亦善乎乃立
廟於太廟路西
集覽太子前率注見惠帝元康九
年四率嚴稱嚴敬也稱乃禮
反父廟
曰稱
質實
臧燾東莞莒
人燾之兄

秋七月後秦主興擊秦主登殺之秦太子崇立奔湟中

質實

帝中注見漢宣
元康元年

○八月尊太妃李氏為皇太后

居崇

訓宮

燕主垂圍長子拔之殺西燕主永

永困急求救於晉魏兵皆未至將士開門納燕
兵燕主垂執永斬之得所統八郡七萬餘戶

冬秦主崇及隴西王楊定攻西秦兵敗皆死定弟盛遣

使來稱藩

西秦主乾歸攻秦主崇崇奔隴西王楊定定帥眾三
萬與崇共攻乾歸大敗見殺苻氏遂亡乾歸於是盡
有隴西之地自稱秦王定叔父之子盛先守仇池自
稱秦州刺史仇池公乃遣使稱藩于晉分氏羌為二

十部護軍各為鎮戍不置郡縣質實隴西郡名注見秦王政三年

秦遣使如燕

是後姚氏止稱秦

乙未二十年燕建興十秦皇初春正月燕遣使如秦○三

月朔日食○以丹陽尹王雅領太子少傅

時會稽王道子專權奢縱趙牙本倡優茹千秋本捕賊吏也皆以詔略得進道子以牙為郡守千秋為參軍牙為道子開東第築山穿池功用鉅萬帝嘗幸其第謂道子曰府內乃有山甚善然脩飾太過道子無以對帝去道子謂牙曰上若知山是人刀所為爾必死矣牙曰公在牙何敢死營作彌盛千秋賣官招權

聚貨累億博平令聞人襲上疏言之帝益惡道子而
逼於太后不忍廢黜乃擢王恭殷仲堪王珣王雅等
居內外要任以防之道子亦引王國寶王緒為心腹
由是朋黨競起無復鄉時友愛之驩矣太后每和解
之徐邈言於帝曰漢文明主猶悔淮南會稽王雖有
耐媒之累宜加弘貸以慰太后之心帝納之委任道
子如

集覽

聞人襲聞人複姓襲名也風俗通曰少正
卯魯之聞人也其後因以為氏漢文主

猶悔淮南淮南厲王名長漢文帝之弟質實丹陽郡
不奉法度被廢處蜀而死後文帝悔之質實名注見
漢獻帝興平二年金陵一統志云博平漢之縣名屬
東郡即戰國時齊之博陵邑晉屬平原國隋初屬毛
州改屬博州大業初屬清河郡唐屬博州貞觀初省
入聊城天授間復置宋景祐間徙治寬河鎮即今治
金元仍舊本朝因
之仍改屬東昌府

河
夏五月燕遣其太子寶擊魏秋七月降其別部進軍臨

魏王珪叛燕侵逼附塞諸郡燕主垂遣太子寶帥衆
八萬自五原伐魏散騎常侍高湖諫曰魏與燕世為
婚姻結好久矣間以求馬不獲而留其弟曲在於我
奈何遽擊之涉珪沈勇有謀幼歷艱難兵精馬彊未
易輕也太子年少氣壯必小魏而易之萬一不如所
欲傷威損重願陛下圖之垂怒免湖官湖泰之子也
魏張袞言於珪曰燕狃於屢勝有輕我心宜羸形以
驕之乃可克也珪從之悉徙部落畜產西渡河千餘
里以避之燕軍至五原降魏別部三萬餘家
收糶田百餘萬斛進軍臨河造船為濟具
集覽
珪即拓跋珪也初其祖什翼犍命名曰涉圭後改圭作
珪狃於屢勝本作狃於長子之捷爾雅狃復郭璞注

狃怙也慣怙復質實五原郡名注見漢武帝元封元

為之也怙音哲隋改為延川縣取界內吐延川為名唐屬延州又折

置安民縣後改安民曰延水宋省延水縣入焉

禿髮烏孤徙都廉川

烏孤擊乙弗折掘部降之徙都廉川廣武趙振少好

奇畧棄家從烏孤烏孤喜曰吾得趙生大事濟矣拜

左司集覽乙弗代北複姓折掘代北複姓廉川興元

馬正誤廉川今按廉川在湟中河西界質實廣武縣名

劉邦

四年

長星見

有長星見自須女至于哭星帝心惡之於華林園舉酒祝之曰長星勸汝一盃酒自古何有萬歲天子邪

集覽

長星見漢文本紀長星出東方注文穎曰字彗長三星其占畧同字星光芒短其光四出蓬蓬

勃勃彗星光芒長參參如掃彗然長星光芒有一直指或竟天或十丈或三丈二丈大抵字彗多為除舊

布新火災長星多為兵革須女索隱曰爾雅須女謂之務女或作嫫正義曰須女四星亦嫫女天少府也

越之分野主布帛裁製嫁娶哭星天官書虛為哭泣之事索隱曰姚氏案荊州古以為其宿二星南星主

哭泣虛中六星不質實華林園注見漢後主建興四年

書法

綱目書長星三矣漢文帝八年景帝三年武帝元狩四年未有不書所出者此其止書見

何特畧之也於是長星見自須女至于哭星貴人張氏之弒若合符節矣綱目總傳會故止書見

發明

古人遇星變則恐懼後世遇星變則戲豫若秦主生謂太白為渴入井晉孝武勸長星盃

酒是已綱目書之初無異詞然當時不聞有修省之實曾未閱歲而見及則知天變之形其應甚速尚可以玩忽待之乎書此亦所以為後世鑒也

九月魏主珪將兵拒燕冬十月燕軍夜遁十一月追至參合陂大敗之

九月魏主珪進軍臨河燕太子寶列兵將濟風漂其船泊南岸魏獲其甲士三百餘人皆釋而遣之寶之發中山也燕主垂已有疾既至五原珪使人邀中山之路伺其使者盡執之寶等數月不聞垂起居珪使

所執使者臨河告之曰若父已死何不早歸寶等憂
恐士卒駭動珪使畧陽公遵將七萬騎塞燕軍之南
十月燕軍燒船夜遁時河水未結寶以魏軍必不能
度不設斥候十一月暴風水合珪引兵濟河選精銳
二萬餘騎急追之燕軍至參合陂有大風黑氣如堤
自軍後來覆軍上沙門支曇猛曰魏軍將至之候宜
遣兵禦之寶不應司徒德勸寶從之寶乃遣趙王麟
帥騎三萬居軍後以備非常麟亦以曇猛言為妄縱
騎遊獵不復設備魏軍晨夜兼行至參合陂西燕軍
在彼東山南水上珪夜部分諸部令士卒銜枚束馬
口潛進旦日登山下臨燕營燕軍大驚擾亂珪縱兵
擊之死者以萬數畧陽公遵還兵擊其前復禽四五
萬人寶等單騎僅免珪擇燕臣之有才用者留之其
餘悉給衣糧遣還以招懷中州之人中部大人王建
曰燕衆彊盛不如悉殺之則國空虛取之為易乃盡
坑之而還燕司徒德言於垂曰虜以參合之捷有輕

太子心宜及陛下神畧以服之不然將為集覽斥候

後患垂乃會兵中山期以明年大舉擊魏注見

漢武帝元光元年參合質實中山國名注見周威烈
陂注見惠帝元康五年王二十三年五原郡名

注見漢武帝元封元年銜枚注見秦二
世二年畧陽郡名注見懷帝永嘉四年

丙申二十一年燕主慕容寶永康元秦皇初三春閏三月
燕主垂襲魏平城克之夏四月還卒于上谷太子寶立

燕主垂留范陽王德守中山引兵密發踰青嶺經天
門鑿山通道出魏不意直指雲中魏陳留公虔鎮平
城垂襲之虔出戰敗死燕軍盡收其部落魏王珪震
怖欲走諸部皆有戴心珪不知所適垂之過參合陂
也見積骸如山為之設祭軍士慟哭聲振山谷垂慙
憤嘔血由是發疾至是轉篤乃築燕昌城而還卒于

上谷質實青嶺未詳處所一統志云天門關名在太原府城西北四十里路通舊嵐管州

其東北崖隋煬帝為晉王時所開名楊廣道平城縣名注見漢高帝七年燕昌城未詳處所上谷郡名注

見秦王政三年

五月燕以慕容德為冀州牧守鄴慕容農為并州牧守

晉陽考異

提要無為冀州牧為并州牧八字

○燕主寶弒其太后段氏

初燕主垂先段后生子令寶後段后生子朗鑒愛諸姬子麟農隆柔熙寶初為太子有美稱已而荒怠中外失望後段后嘗言於垂曰今國步多艱太子非濟世之才也遼西高陽陛下賢子宜擇一人付以大業趙王姦詐彊愎必為國患宜早圖之寶善事垂左右多譽之者故垂以為賢謂段氏曰汝欲使我為晉獻

公乎段氏泣而退告其妹范陽王妃曰太子不才天下所知吾為社稷言之主上乃以吾為驪姬何其苦哉太子必喪社稷范陽王有非常器度若燕祚未盡其在王乎寶麟聞而恨之至是寶使麟謂段氏曰宜早自裁以全段宗段氏怒曰汝兄弟不難逼殺其母況能守先業乎吾豈愛死但念國亡不久耳遂自殺寶議以段后謀廢適統無母后后道不宜成喪中書令駐遼颺言於朝曰子無廢母之義漢安思閭后親廢順帝猶得配饗太廟況先

集覽 國步詩大雅桑柔篇后暖昧之言乎乃成喪

曰步猶遲也頻急遽也遼西高陽謂遼西王農高陽王隆為晉獻公獻公得驪姬生子奚齊遂欲廢太子申生驪姬譖之申生自殺因譖二公子重耳懼而奔蒲夷吾奔屈適統適與嫡通正長曰嫡漢安思閭后漢安帝后閭氏譖太子保而廢之

質實 暖昧日安帝崩復迎而立之是為順帝

不明貌

六月燕定士族舊籍

燕主寶定士族舊籍分辯清濁校閱戶口罷軍營封蔭之戶悉屬郡縣由是士民嗟怨有離心

三河王光自稱涼天王

光即天王位國號大涼置百官遣使拜禿髮烏孤為益州牧烏孤謂使者曰呂王諸子貪淫三甥暴虐遠近愁怨吾安可違百姓之心受不質實三河郡名末義之爵乎留其鼓吹羽儀謝遣之質實詳處所益州

注見武帝泰始八年鼓吹注同上太康三年

秋八月魏王珪擊燕

魏羣臣勸魏王珪稱尊號珪始建天子旌旗出入警蹕參軍張恂勸珪進取中原珪善之燕遼西王農鎮

晉陽部曲數萬并州素乏儲峙民不能供農又遣護軍分監諸胡民夷皆怨潛召魏軍八月珪大舉伐燕步騎四十餘萬南出馬邑踰句注旌旗二集覽儲峙千餘里鼓行而進遣別將從東道襲幽州注見漢章帝元和元年馬邑注見漢武帝質實出入警蹕注見漢文元光二年句注注見漢高帝六年質實唐高祖武德四年注見

燕立子策為太子

燕主寶之子清河公會母賤而年長雄俊有器藝燕主垂愛之及伐魏遣鎮龍城委以東北之任國官府佐皆選一時才望遺言命寶以為嗣而寶質實龍城受少子策立之會聞之慍懟始有異志質實龍城見注見成帝咸康六年

書法

借國太子非有故不書立書立策何志會之亂也

九月燕慕容農及魏師戰敗走魏遂取并州

魏主珪軍至晉陽慕容農出戰大敗奔還司馬慕容
嵩閉門拒之農遂東走魏追獲其妻子燕軍盡沒農
獨與三騎逃歸東山魏遂取并州初建臺省置刺史
太守尚書郎以下官悉用儒生為之士大夫詣軍門
者皆引入存慰使人人盡言少有才用咸加擢敘以
張洵等為諸郡守招撫離散勸課農桑燕主寶聞魏
軍將至議于東堂符謨曰魏軍乘勝銳氣若縱之入
平土不可敵也宜杜險以拒之珪遂曰魏多騎兵馬
上齎糧不過旬日宜令郡縣聚民千家為一堡清野
以待之彼不過六旬食盡自退封懿曰魏軍數十萬
民雖築堡不能自固是聚兵及糧以資之也且動搖
民心示之以弱不如阻關拒戰趙王麟曰魏鋒不可

當宜完守中山待其弊而乘之於是脩質實

張恂上谷人衆

之弟封懿渤海
衛人孚之弟

貴人張氏弑帝於清暑殿太子德宗即位會稽王道子
進位太傅冬十月葬隆平陵

帝嗜酒流連內殿外人罕得進見張貴人寵冠後宮
時年近三十帝戲之曰汝以年亦當廢矣吾意更屬
少者已而醉寢清暑殿貴人使婢以被蒙帝面而弑
之重賂左右曰因魘暴崩時太子闇弱會稽王道子
昏荒遂不復推問王國寶夜叩禁門欲入為遺詔侍
中王爽拒之曰大行晏駕皇太子未至敢入者斬國
寶乃止爽恭之弟也太子即位道子進位太傅揚州
牧假黃鉞太子幼而不慧口不能言至於寒暑饑飽

亦不能辨飲食寢興皆非已出母弟琅邪王德文嘗侍左右為之節適初國寶黨附道子驕縱不法武帝惡之國寶懼遂更媚於帝道子大怒以劒擲之及帝崩國寶復事道子與王緒共為邪諂道子又倚為腹心遂參管朝權威振內外王恭入赴山陵每正色直言道子憚之深布腹心而恭每及時政輒厲聲色道子遂欲圖之或勸恭誅國寶王珣曰彼罪逆未彰今先事而發必失朝野之望若其不改惡布天下然後順衆心以除之亦無不濟也恭乃止既而謂珣曰比來視君一似胡廣珣曰王陵廷爭陳平慎默但問歲晏何如耳山陵既畢恭將還鎮謂道子曰主上諒闇冢宰之任伊周所難惟大王親萬機納直言放鄭聲遠佞人國寶等愈懼

集覽

大行注見漢昭帝元平元年一似胡廣胡廣東漢時人歷事安順冲質桓

靈雖無蹇直之風屢有補闕之益故京師諺曰萬事不理問伯始天下中庸有胡公伯始廣之字也諒闇

注見漢昭帝元平元年鄭
聲注見漢光武建武二年
正誤比來視君一似胡廣

周流四公三十餘年歷事六帝溫桑謹慙常避言恭
色以取媚於時無忠直之風或勸王恭誅王國寶而

王珣止之故恭以廣比珣珣以陳平慎默為對也質
大指集覽不原所言之本旨故引證多泛而不切質

實一統志云隆平陵在應天府上元縣境內清暑殿在
應天府上元縣治東北五里臺城內乃晉孝武帝

所建爽塏奇麗夏月常有清風宋孝武帝改曰嘉禾
殿晏駕注見漢高帝十二年假黃鉞注見漢後主建

興六年在漢高后元年冢宰注見陳宣帝太建九年伊
默事在漢高后元年冢宰注見陳宣帝太建九年伊

周謂伊尹周公伊注見元帝太興
元年周注見秦昭襄王五十二年

書法紙書主名矣下書即位進位如常時則其君
臣縱賊之罪不貶自見矣道子以自進為丈

專也○君弑賊不討而急於葬桓帝嘗見之漢建和元年於是再見直書其事當時君臣之罪著矣

發明

是時君臣沈湎內外留連由是變起宮掖不復推問故綱目直書貴人張氏則見其秩品

卑微非有正位中宮之尊凶暴可畏之勢而當時自不免討也下書道子進位太傅則見大臣失職徒能受爵位之尊而不能推究大行晏駕之由失於討賊也夫晉君以一言之戲身嬰大禍張氏亦以一言之故躬行大逆女德無厭婦亂無極聖人所以正心脩身齊家者非但曰將以治國乎天下而已亦所以保衛其身而斬免於迷亂之禍爾人主觀此則視衽席如寇壘視女德如蠱賊其亦庶乎可也○天子七月而葬禮也今晉孝武以九月庚申崩即以十月甲申葬則是未及一月爾據事直書其失自見

魏王珪拔常山

魏王珪使冠軍將軍于栗磾潛自晉陽開韓信故道自井陘趨中山進攻常山拔之郡縣皆降唯中山鄴信都三城為燕守珪命東平公儀攻鄴冠軍王建攻信都珪進攻中山既而謂諸將曰中山城固急攻則傷士久圍則費糧不如先取信都然後圖之乃引兵而南軍于魯口高陽太守崔宏奔海渚珪素聞其名遣吏追獲以為黃門侍郎與張袞對掌機要創立法度博陵令屈遵降以為中書令出納號令策總文誥

集覽

井陘注見秦王政十八年質實于栗磾代人一統志云井陘地名在太原府平定州東九

十里昔韓信擊趙東下井陘即此今置閫右巡檢司在焉東平郡名注見漢獻帝興平元年魯口地名未詳處所崔宏東武城人浩之父海渚注見秦始皇三十七年高陽郡名注見晉愍帝建興四年張袞上谷

沮陽人
恂之兄

魏別將拓跋儀攻鄴燕慕容德擊破之

魏東平公儀攻鄴燕范陽王德使南安王青等夜擊破之魏軍退屯新城青等請追擊之別駕韓諱曰古人先計而後戰魏軍不可擊者四懸軍遠客利在野戰一也深入近畿頓兵死地二也前鋒既敗後陳方固三也彼衆我寡不敵四也我軍自戰其地動而不勝衆心難固城隍未脩敵來無備不如深壘固軍以老之德從**集覽**諱竹反**質實**范陽國名注見秦二世元年南安國名注見漢後主之召青還建興六年新城縣名注見漢宣帝地節三年

封楊盛為仇池公○秦陷蒲阪

初永嘉之亂汾陰薛氏聚族阻河自保不仕劉石苻氏至是後秦主興以禮聘薛彊以為鎮東將軍彊引

秦兵取蒲阪質實
汾陰縣名注見周顯王四十年蒲阪地名注見周赧王十二年

丁酉安皇帝隆安元年燕永康二秦皇初四魏皇始二年

北涼王段業神璽元年○舊大國三春正月帝冠○以西秦涼小國二新小國二凡七偕國以

王珣為尚書令王國寶為左僕射○魏拓跋儀軍潰燕慕容德追擊破之

賀訥遣弟賴盧帥騎二萬會東平公儀攻鄴自以王舅不受儀節度儀司馬丁建陰與燕通從而間之會賴盧營失火建曰賴盧燒營為變矣儀遂引退賴盧亦退建帥眾降燕且言儀師老可擊范陽王德遣兵

追擊大破之

質實

鄴縣名注見漢獻帝建安十五年

魏王珪擊信都降之○涼王光擊西秦西秦與戰殺其

弟延

涼王光以西秦主乾歸數反覆舉兵伐之西秦羣臣請東奔成紀乾歸曰軍之勝敗在於巧拙不在衆寡光兵衆而無法弟延勇而無謀不足憚也且其精兵盡在延所延死光自走矣光軍長最遣子太原公纂攻金城天水公延攻臨洮武始河關皆克之乾歸使人紿延曰乾歸衆潰奔成紀矣延欲引輕騎追之司馬耿稚諫曰乾歸勇畧過人安肯望風自潰且告者視高色動殆必有姦宜整陳而前使步騎相屬俟諸軍畢進然後擊之無不克矣延不從

集覽

長最地名在西河郡

進與乾歸遇戰死光引兵還姑臧

武始地名
在隴西郡
正誤
武始今按武始故狄道縣地前
質實

成紀縣名
注見漢文帝十五年
太原郡名
注見齊明帝建武三年
臨洮縣名
注見秦始皇三十三年
武始

郡名
注見秦王政三年
隴西

禿髮烏孤自稱西平王
攻涼取金城
質實
西平郡名
注見漢宣帝元

康四年
金城郡名
注見漢光武建武十一年

是為
南涼

二月燕主寶襲擊魏軍大敗奔還

燕主寶聞魏王珪攻信都
急出珍寶及宮人募厚盜
以擊之
營於淳沱水北
魏軍至營水南
寶潛師夜濟

襲魏營因風縱火魏軍大亂珪棄營走既而燕兵無
故自相斫射珪望見之乃擊鼓收衆多布火炬於營
外縱兵衝之燕兵大敗引還魏兵隨而擊之燕兵屢
敗寶懼棄軍以二萬騎奔還時大風雪凍死者相枕
朝臣將卒多降於魏先是張袞常為珪言燕祕書監
崔逞之材珪得之甚喜以為尚書任以政事珪欲撫
慰新附甚悔參合之誅并州刺史素延坐討反者殺
戮過多免官燕尚書郎慕容皝謀弑寶立趙王麟不
免奔魏麟東武城人寶漢帝玄更始二年崔逞
由是不安寶
孝武帝太元二十一年

三月燕幽平牧慕容會引兵至薊慕容麟作亂出走魏
王珪進圍中山燕主寶奔會軍慕容詳城守拒魏考異

提要作魏王珪遂進圍中山三月燕慕
容麟作亂不克奔西山燕主寶出走

初燕清河王會表求赴難而無行意遣將軍庫儁官
偉餘崇將兵五千為前鋒偉頓盧龍近百日會不發
燕主寶怒切責之會不得已以治行簡練為名復留
月餘偉使輕軍前行通道且張聲勢諸將皆畏避不
欲行餘崇奮曰今巨寇滔天京都危逼匹夫猶思致
命以救君父諸君荷國寵任而更惜生乎若社稷傾
覆臣節不立死有餘辱諸君安居於此崇請當之偉
給步騎五百人崇至漁陽遇魏兵擊却之衆心稍振
會乃上道至是始達薊城魏圍中山既久城中將士
皆思出戰高陽王隆曰涉珪雖獲小利然頻兵經年
士馬死傷大半人心思歸諸部離解若因我之銳乘
彼之衰往無不克如持重不決將卒氣喪事久變生
雖欲用之不可得也寶然之而趙王麟每沮其議隆
成列而罷者數四衆大怨恨麟以兵劫北地王精使

帥禁兵執寶精以義拒之麟怒殺精出奔西山依丁
零餘衆於是城中震駭寶恐麟奪會軍據龍城乃召
隆及遼西王農謀走保龍城隆曰今欲北遷亦事之
宜然龍川地狹民貧若以中國之意取足其中難望
有功若節用愛民務農訓兵數年之中公私充實而
趙魏之間厭苦寇暴民思燕德庶幾返旆克復故業
如其未能則憑險自固猶足以優游養銳耳寶然之
遂夜與太子策及隆農等萬餘騎出赴會軍城中無
主百姓惶惑魏王珪欲夜入城將軍王建志在虜掠
乃言恐士卒盜府庫物請俟明旦珪乃止燕開封公
詳從寶不及城中立以為主閉門拒守珪盡衆攻之
不拔使人臨城諭之皆曰羣小無知恐復如參合之
衆故苟延旬月之命耳

集覽

庫偁官偉庫偁官虜三
字姓偉名也偁奴罵反

且張知亮反杜預曰張自侈大也成列宋世家曰不
鼓不成列何休曰軍法以鼓戰以金止不鼓不戰也

不成列末

正誤

且張今按

質實

盧龍縣名注見漢獻

成陳也

郡名注見秦王政三年薊城注見漢帝立更始二年

北地郡名注見秦王政三年一統志云西山有二處

一在順天府西三十里一在河間府青縣西南五里

未知孰是姑錄此以備參攷龍川地名未詳處所或

謂即龍城未知是否開封漢之縣名屬陳留郡魏

晉以後皆因之唐省入汴州故址在開封府城內

書法

至者何緩辭也燕自往歲受兵君親奔敗可

謂急矣會表赴援久之乃至其不急君父為

何如故不書赴援書至譏之然則溫嶠書至尋陽

則曷為非譏辭嶠至尋陽稽於陶侃書至所以罪

侃也晉成帝咸和三年故綱目書曰溫嶠以兵赴

難至尋陽會無行意徐徐而至故綱目不書赴難

止書曰慕容會引兵至

薊筆削之權衡審矣

尊皇太后李氏為太皇太后立皇后王氏○魏兵追燕主寶慕容會擊却之夏四月寶至龍城會作亂不克奔

中山伏誅

燕主寶出中山清河王會帥騎卒二萬迎于薊南寶怪會有恨色減其兵分給遼西王農及高陽王隆盡徙薊中府庫北趣龍城魏石河頭引兵追之及寶於夏謙澤會整陳與戰農隆等將南來騎衝之魏軍大敗追奔百餘里隆謂陽璆曰中山積兵數萬不得展吾意今日之捷令人遺恨因慷慨流涕會既敗魏兵矜狠滋甚隆屢訓責之會益忿怒遂謀作亂寶謂農隆曰觀道通志趣必反無疑宜早除之農隆曰會遠赴國難逆狀未彰而遽殺之豈徒傷父子之恩亦恐大損威望會聞之益懼夜遣其黨襲殺隆於帳下農

被重創竇欲討會乃陽為好言以安之明日召羣臣
食會就坐竇目暮與騰斬會傷首不死走赴其軍勒
兵攻竇竇帥數百騎馳至龍城會引兵頓城下城中
將士皆憤怒出戰大破之侍御郎高雲復夜襲之會
衆潰奔中山慕容詳殺之竇以雲為集覽石河頭石
將軍養以為子雲高句麗之支屬也集覽石河頭石
其名璆渠幽反
道通會之字

王恭舉兵反詔誅僕射王國寶將軍王緒恭罷兵還鎮

王國寶王緒依附會稽王道子納弱奢不知紀極
惡王恭殷仲堪勸道子裁損其兵權恭等繕甲勒兵
表請北伐道子疑之詔以盛夏妨農悉使解嚴恭遣
使與仲堪謀討國寶等桓玄亦以仕不得志欲假仲
堪兵勢以作亂乃說仲堪曰國寶與君惟患相斃之
不速耳今既執大權無不如志若發詔徵君何以處

之仲堪曰計將安出玄曰孝伯疾惡深至宜潛與之約興晉陽之甲以除君側之惡玄雖不肖願帥荆楚豪傑荷戈先驅此桓文之勲也仲堪然之乃外結雍州刺史郝恢內與從兄南蠻校尉覲南郡相江績謀之覲曰人臣當各守職分朝廷是非豈藩屏所制也晉陽之事不敢預聞績亦極言其不可覲恐績及禍和解之績曰大丈夫何至以死相脇邪江仲元行年六十但未獲死所耳仲堪憚其堅正以楊佺期代之朝廷聞之徵績為御史中丞覲遂以疾辭位仲堪往省之曰兄病殊可憂曰我疾不過身死汝病乃當減門宜深自愛勿以我為念郝恢亦不肯從仲堪疑未決會恭使至仲堪乃許之恭大喜上表罪狀國寶舉兵討之表至內外咸嚴國寶懼不知所為遣數百人戍竹里夜遇風雨散歸緒說國寶殺王珣車胤以除時望挾君相以討二藩國寶許之珣胤至不敢害更問計於珣珣曰王殷與卿素無深怨所競不過勢利

之間耳國寶曰將曹爽我乎玠曰是何言歟卿寧有
爽之罪孝伯豈宣帝之儔邪又問計於車省省曰今
朝廷遣軍恭必城守若京口未拔上流奄至何以待
之國寶遂上疏解職待罪道子閭儒欲求姑息乃賜
國寶死斬緒於市遣使謝恭恭乃罷兵還京口仲堪
初猶豫不敢下聞國寶死始抗表舉兵道子以書止
之仲堪

集覽

解嚴不治裝也顏師古曰謂解散兵嚴
也孝伯王恭字興晉陽之甲公羊傳定

公十三年晉趙鞅取晉陽之甲以逐荀寅與士吉射
荀寅與士吉射者曷為者也君側之惡人也注晉陽
之中者趙簡子之邑以邑中甲逐之將曹爽我乎曹
爽三國魏宗室僭專權時晉宣帝司馬懿為丞相
誅曹爽夷其三族今王國質實
寶自謂將以曹爽待我也質實
見漢獻帝建安十二
年仲元江績表字楊佺期華陰人震之後一統志云
竹里山名在應天府句容縣北六十里塗甚傾險號

為翻車峴劉宋武帝破桓玄將於竹里即此處桓文之舉注見晉穆帝永和六年

書法

恭書反何正名也不書反則以趙鞅藉口者接跡矣仲堪何以不書恭首事也國寶緒曷

為書官識晉之無政也恭一舉兵而為之殺一僕射一將軍以姑息之無政甚矣然則曷為不書殺書殺則疑於漢鼂錯故國寶緒可誅不當以恭反遂誅之也書罷兵還鎮非善恭歟殺二大臣而後還書所以著其要君之勢也

發明

按春秋定十三年書晉趙鞅入于晉陽以叛晉荀寅士吉射入于朝歌以叛晉趙鞅歸于

晉公羊傳之以謂趙鞅取晉陽之甲以逐荀寅士吉射荀寅士吉射者君側之惡人也至我朝胡公安國傳春秋參之左氏所載韓魏為趙氏請於晉侯之事乃知三子之叛其罪則一鞅以有援故得

復寅吉射以無助故終叛春秋書鞅歸于晉者非
與之也叛逆人臣之大惡晉侯不能奉行天討乃
徇韓魏之請故春秋書以罪之若謂取晉陽之甲
以逐君側之惡人則是人主可得而脇人臣擅興
無罪以兵諫者真愛其君使後世賊臣稱兵向闕
以誅君側為名而實欲脇君取國者皆此說啟之
由是而觀則春秋初未嘗有逐惡人之說曉然甚
明今王恭以王國寶王緒濁亂國政罪狀討之而
桓玄亦以晉陽之事為言況綱目書詔誅王國寶
王緒恭罷兵還鎮則二人實有可誅之罪而恭之
還鎮亦以二人既誅之故其為君側之惡明矣然
王恭則未免書舉兵反者何哉嗚呼使國寶與緒
果有罪耶則人主自誅之可也人臣烏得而與聞
之彼王恭者素懷異志跋扈不臣一旦無故稱兵
脇制朝廷雖假二人之罪以為口實而以逆犯順
以臣脇君其事悖矣以反書之夫復何說然則後

世有假晉陽之事以為脇制之舉者皆春秋之所誅而綱目之所謂反者也此義行則賊亂之徒無以藉口為舉兵之端而反叛之禍庶乎其可熄矣吁

以會稽世子元顯為征虜將軍

元顯年十六有雋材為侍中說會稽王道子以王殷終必為患請潛為之備道子乃拜元顯征虜將軍以其衛府及徐州質實王殷謂王恭殷仲堪徐州注見秦始皇二十八年彭城文武悉配之

書法

公侯繼世書世子除拜未有書世子者此其書會稽世子何譏世權也故為征虜將軍書

世子錄尚書事書世子都督十六州軍事書世子

涼沮渠蒙遜叛拔臨松據金山

初張掖盧水胡沮渠羅仇匈奴沮渠王之後也世為部帥涼王光以為尚書及呂延敗死羅仇弟三河太守麴粥謂羅仇曰主上荒耄信讒今軍敗將死正其情忌智勇之時也吾兄弟必不見容不若勒兵向西平出苕藿奮臂一呼涼州不足定也羅仇曰吾家世以忠孝著於西土寧使人負我我不忍負人也已而光果殺羅仇及麴粥羅仇弟子蒙遜雄傑有策畧涉書史以其喪歸葬會者萬餘人蒙遜哭謂衆曰呂王無道多殺不辜今欲與諸部雪二父之耻復上世之業何如衆稱萬歲遂結盟起兵攻涼臨松郡拔之屯據金

集覽 張掖盧水胡張掖郡名盧水縣名胡虜也沮渠虜複姓正義曰本匈奴王號沮子余

反顏師古曰本臨松盧水胡人其先為沮渠王後因氏焉西平郡名在河西屬涼州

質實 張掖注見漢後主建興十三年盧水胡注見漢光武建武十六年西平郡名注見漢宣帝元康四年湟中苕藿

地名未詳處所臨松郡未詳沿革一統志云金山在陝西都司永昌衛城北二里又在故昌松縣南麗水出焉

燕慕容詳稱帝于中山

中山城無定主民恐魏兵乘之男女結盟人自為戰魏王珪罷圍就穀河間封東平公儀為衛王慕容詳自謂能卻魏兵威所質實河間郡名注見漢帝玄更始德已振遂即帝位所質實河間郡名注見秦王政六年朝歌

涼段業叛自稱建康公沮渠蒙遜以衆歸之

涼王光遣呂纂將兵擊沮渠蒙遜破之蒙遜從兄男成亦合衆攻建康遣使說太守段業曰呂氏政衰人

無容處瓦解之形昭然在日府君奈何以蓋世之才
欲立忠於垂亡之國男成等既唱大義欲屈府君撫
臨鄙州何如業許之男成推業為涼州牧建康公以
男成為輔國將軍委以軍國之任蒙遜帥眾歸之業
以為鎮西將軍光命呂質實涼州注見唐中
纂討之不克是為北涼景龍二年

秋七月燕慕容麟襲殺詳而自立魏襲中山入其郭而

還

詳嗜酒奢淫刑殺無度羣下離心城中饑窘麟襲殺
之自立以拒魏魏軍大疫人畜多死將士多思歸魏
王珪問疫於諸將對曰在者纔什四五珪曰此固天
命將若之何四海之民皆可為國在吾所以御之耳
何患無民羣臣乃不敢言

書法

詳稱帝矣何以書殺不予詳之為帝也其不予何竇在而詳又借焉是二君也

八月涼郭磨楊軌叛

涼太常郭磨善天文國人信之會熒惑守東井磨謂僕射王詳曰涼分野有大兵吾欲與公同舉大事何如詳從之事泄被誅磨遂舉東苑以叛涼王光召太原公纂討之纂將還諸將曰段業必躡軍後宜潛師夜發纂曰業無雄才憑城自守若潛師夜去適足張其氣勢耳乃遣使告業曰郭磨作亂吾今還都卿能決者可早出戰於是引還業不敢出纂司馬楊統欲殺纂而推其從兄桓為主桓怒曰吾為呂氏臣安饗其祿危不能救豈可復增其難乎呂氏若亡吾為弘演矣統遂降磨纂擊磨大破之乃得入姑臧涼人張捷等招集戎夏據休屠城與磨共推涼後將軍楊軌為盟主

集覽

郭磨磨奴昆反吾為弘演矣言

我將效弘演所為也弘演姓名春秋衛人也狄伐衛衛懿公欲發兵兵咸畔殺懿公盡食其肉獨舍其肝弘演使而還哭盡哀而止曰臣請為暴自出其肝質內懿公之肝焉暴音豹直吏官也猶今當暴使者質實

實

陳文帝元嘉十六年東苑未詳處所一統志云休

屠城在陝西涼州衛城東北

九月秦太后蚰氏卒

秦太后卒秦主興哀毀過禮不親庶政羣臣請依漢魏故事既葬即吉尚書郎李嵩上疏曰孝治天下先王之高事也宜遵聖性以光道訓既葬之後素服臨朝尹緯駁曰嵩矯常越禮請付有司論罪興曰嵩忠臣孝子有何罪乎其如嵩議興勤於政事延納善言杜瑾等以論事得顯拔姜龕等以儒學見尊禮古成

說等以文章參機密說剛介雅正以風教為己任京兆韋高慕阮籍為人居母喪彈琴飲酒說聞之而泣持劍欲殺之

集覽

古成說古成複姓

質實

阮籍為人

高懼而逃匿

集覽

說名也晉所臻反

質實

阮籍為人

琴飲酒晉書云阮籍陳留尉氏人瑤之子容貌瓌傑志氣宏放性嗜酒能嘯善彈琴園藝嘗與嵇康等相

善號為竹林七賢初仕魏累官散騎常侍籍本有濟世志屬天下多故名士少有全者遂酣飲為常司馬

昭輔政引為大將軍從事中郎將及母卒方與人園藝對者求止籍留與決賭既而飲酒二斗舉聲一號

吐血數升毀瘠骨立始致減性裴楷往弔之籍散髮箕踞醉而直視楷弔唁畢便去或問楷凡弔者主哭

客乃為禮籍既不哭君何為哭楷曰阮籍既方外之士故不崇禮典我俗中之士故以軌儀自居時人歎

為兩得

書法

書地氏何嘉興孝也故僭國太后不悉書於是特書

秦寇陷湖陝質實

湖縣名注見漢武帝征和二年陝縣名注見周顯王四十五年

○冬

十月魏王珪及燕慕容麟戰大破走之遂克中山

中山饑甚魏王珪進攻之太史令龜崇曰不吉紂以甲子亡謂之疾日珪曰紂以甲子亡周武不以甲子興乎遂進與慕容麟戰於義臺大破之麟奔鄴魏克中山得燕璽綬圖書府庫珍寶以萬數班賞將士麟至鄴復稱趙王說范陽王德曰魏將乘勝攻鄴鄴城大難固且人心恒懼不可守也不如南趣滑臺阻河以待魏伺釁而動河北庶可復也時質實一統志云魯王和鎮滑臺亦遣使迎德德許之義臺在真定府新樂縣西南後燕錄慕容麟與魏道武戰於義臺燕師敗績即此

書法

麟殺詳自立矣何以斥書名不予麟之自帝也其不予何寶在而麟又僭焉是二君也

戊戌二年

燕主慕容盛建平元秦皇初五魏天興元年○南燕主慕容德元年○舊大國三○西秦涼南

涼北涼小國四新小國一凡八僭國

考異

提要分注作南燕世宗

春正月燕慕容德

徙居滑臺稱燕王麟謀反伏誅魏拓跋儀入鄴考異

提要

王上無燕字

燕范陽王德自鄴帥戶四萬南徙滑臺魏衛王儀入鄴追德至河弗及慕容麟上尊號於德德用兄垂故事稱燕王以統府行帝制置百官是為南燕麟復謀反德殺之

書法

麟書反書誅其予德之自王乎非予德也罪麟也昌為罪之上尊號者麟也反之者亦麟

也書曰伏誅所以懲反覆也

魏置行臺于鄴中山以和跋拓跋儀守之

魏王珪自中山南巡至高邑得王永之子憲喜曰王景畧之孫也以爲本州中正領選曹事至鄴置行臺以和跋爲尚書鎮之珪還中山將北歸發卒治直道自望都鑿恒嶺至代五百餘里復置行臺於中山命衛王儀集覽高邑本鄴縣也在常山郡柏鄉故城漢鎮之光武設壇鄴南即帝位改曰高邑今趙州縣也鄴火各反望都縣屬中山國在灤州東北四十里鑿恒嶺至代鑿穿治也恒嶺即恒山峽也恒通作常地道記云常山在常山郡上曲陽縣西北百四十里北行四百五十里得常山峽號蜚狐口北則代郡所負實高邑縣名注見漢光武建武元年一統志云望都漢之縣名屬中山國晉因之北齊省入

北平縣唐初復置屬定州宋屬武定軍金改為慶都縣屬中山府元初屬真定府尋改屬保定國朝因之改屬保定府恒嶺即常山注見周安王十五年代郡名注見秦王政三年

魏王珪北還徙山東民夷十餘萬口以實代○二月燕主寶將兵發龍城衛卒段速骨作亂衆潰而還

初燕人有自中山至龍城者言拓跋珪衰弱於是燕主寶欲復取中原調兵悉集至是聞中山已陷乃命罷兵遼西王農曰遷都尚新未可南征宜因成師襲庫莫奚取其牛馬以充軍資寶從之北行度流洛水會南燕王德遣使言涉珪西上中國空虛寶大喜即曰引還詔諸軍就頓不聽罷散農及長樂王盛切諫以為兵疲力弱魏新得志未可與敵寶將從之慕容騰曰今師衆已集宜獨決聖心乘機進取乃留盛

統後事以騰為前軍農為中軍寶為後軍相去各一
頓長上段速骨因眾心憚征役遂作亂逼立高陽王
隆之子崇為主寶將十餘騎奔農營農
騰營兵亦厭役奔潰寶乃奔還龍城

集覽

庫莫奚
北狄國

名也一名奚其先東胡宇文部之別種後種類漸多
分為五部一曰辱紇主二曰莫賀弗三曰契箇四曰
木昆五曰室得其俗隨逐水草頗同突厥一頓猶言
一舍也一舍三十里長上史炤釋文曰長上人名也
愚按晉書段速骨為乙連城之
質實長樂國名注見
長上則是燕之官名史釋誤矣
秦二世二年信
都

以王愉都督江豫州軍事

會稽王道子忌王殷之逼以燕王尚之及弟休之有
才畧引為腹心尚之曰今方鎮疆盛宰輔權輕宜樹

腹心於外以自衛道子乃以其司馬王愉為江州刺史都督江州及豫之四郡軍事日夜謀議以伺四方

之質實江豫二州名江注見漢武帝元鼎五年豫注見周赧王三十六年

魏給新徙民田及牛○魏封爾朱羽健於秀容川

秀容川酋長爾朱羽健從魏王珪攻晉陽中山有功環其所居割地三百里以封之集覽秀容川本

漢汾陰縣地元魏置肆州今太原忻州秀容縣案秀容故城在今嵐州西南三十里爾朱複姓其先契胡

部落大人代為酋帥質實一統志云秀容川在山西遼州榆社縣治東南秀容

山下又按秀容後魏之縣名為肆州治所後周徙州治鴈門縣唐廢之故城在太原府忻州西北五十里

三月燕段速骨攻陷龍城燕主寶出奔尚書蘭汗誘而

弑之

燕尚書蘭汗陰與段速骨等通謀引兵營龍城東遼西王農夜出赴之速骨將以徇城農素有忠節威名城中恃以為彊忽見在城下無不驚愕喪氣遂皆逃潰速骨入城縱兵殺掠燕主寶及長樂王盛等輕騎南走速骨以高陽王崇幼弱欲更立農崇黨聞之遂殺農蘭汗襲擊速骨殺之廢崇奉太子策承制遣使迎寶及於薊城盛等曰汗之忠詐未可知不如南就范陽王合衆以取冀州若其不捷徐歸龍城未晚也寶從之行至黎陽遣中黃門令趙思告范陽王德奉迎德遣慕容興護帥壯士數百人隨思而北聲言迎衛其寶圖之寶既遣思而聞德已稱制亦懼而北走護至無所見執思以歸德以其練習典故欲留而用之思曰犬馬猶知戀主思雖刑臣乞還就上德固留之思怒曰殿下親則叔父位為上公不能帥先羣后以

匡帝室而辛本根之傾為趙王倫之事思雖不能如
申包胥之存楚猶慕龔君賓之不偷生於莽世也德
斬之寶遣長樂王盛收兵冀州行至鉅鹿說諸豪傑
皆願起兵會蘭汗復遣使奉迎寶以汗燕主垂之舅
而盛妃之父謂必無他遂行盛流涕固諫不聽盛乃
與將軍張真下道避匿寶去龍城四十里汗遣弟加
難帥五百騎迎入外邸而殺之殺太子策及王公卿
士百餘人自稱昌黎王盛欲赴哀張真止之盛曰我
今以窮歸汗汗性愚淺必念婚姻不忍殺我旬月之
間足以展吾志遂往見汗汗妻乙氏及盛妃皆涕泣
請盛汗惻然哀之乃舍盛於宮中以為侍中親待如
舊汗兄提驕狼荒淫事汗無禮盛因而間之汗兄弟
浸相**集覽**蘭汗姓名汗音寒刑臣宦官名注見漢桓
熹**集覽**帝延熹九年天刑之人趙王倫之事西晉
趙王倫逼惠帝而奪其璽綬入宮即位遣帝于金墉
城詳見惠帝永寧元年申包胥之存楚注見明帝太

寧二年中胥龔君賓之不偷生於莽世龔勝字君賓漢哀平時王莽秉政勝乞骸骨歸及莽篡國累徵不應曰詎豈以一身事二姓哉語畢質實冀州注見秦不食而死詳見新莽始建國三年質實二世二年信都黎陽縣名注見漢成帝綏和二年鉅鹿郡名注見楚義帝元年

北涼攻涼取西郡晉昌燉煌張掖質實

西郡未詳沿革晉昌郡名注見

唐莊宗同光二年瓜州燉煌郡名注見漢武帝元朔三年張掖郡名注見漢後主建興十三年

○夏六

月涼呂纂擊楊軌郭麇破之考異

按元年書軌麇叛則此擊字當作討

○

秋七月燕長樂王盛討殺蘭汗攝行統制考異

按蘭汗弒逆之

臣也此當書討蘭汗誅之

燕太原王奇楷之子蘭汗外孫也汗以為將軍長樂王盛潛使逃起兵汗遣仇尼慕將兵討之於是龍城自夏不雨至于七月汗日詣燕諸廟禱請委罪加難加難聞之怒率所部襲敗慕軍汗遣太子穆討之穆與汗謀殺盛不果李旱張真皆盛素所厚也而穆引為腹心旱等潛與盛結謀穆擊破加難還襲將士汗穆皆醉盛因踰垣入東宮與旱等殺穆諸軍聞盛得出皆呼躍爭先攻汗斬之內外帖然士女相慶盛告于太廟因下令曰賴五祖之休文武之力社稷幽而復顯不獨孤以眇眇之身免不同天之責凡在臣民皆得明目當世遂大赦改元以長樂王攝行統制命奇罷兵奇不受命勒兵三萬進至橫溝盛出擊破之執奇集覽免不同天之責先是蘭汗弑燕主寶今賜死集覽長樂王盛討汗而殺之故云然也記曲禮君父之讐弗與共戴天注父者子之天殺己之天與共戴天非孝子也行求殺之乃止又檀弓上子夏

問於孔子曰居父母之仇如之何夫子曰寢苦枕干不仕弗與共天下也注不可以並生也禮地官調人曰凡和難父之質實橫溝未詳處所

魏遷都平城

魏遷都平城始營宮室建宗廟立社稷宗廟歲五祭用分至及臘至與臘日而五集覽分至及臘春秋分夏至冬

王恭殷仲堪及南郡公桓玄反玄陷江州

桓玄求為廣州會稽王道子忌玄在荊州因從之玄受命而不行豫州刺史庾楷以道子割其四郡屬王愉上疏言江州內地而西府北帶冠戎不應使愉分督朝廷不許楷怒遣其子鴻說王恭曰尚之兄弟復

秉機權欲削方鎮宜早圖之恭以為然以告殷仲堪
及玄皆許之推恭為盟主刻期同趣京師司馬劉牢
之諫曰會稽王道子叔父也而又當國秉政歸為將
軍戮其所愛其伏將軍已多矣頃所授任雖未允愜
亦無大失割庾楷四郡以配王愉於將軍何損晉陽
之甲豈可數興乎恭不從上表請討王愉司馬尚之
兄弟朝廷憂懼內外戒嚴道子不知所為悉以事委
世子元顯曰飲醇酒而已元顯聰警頗涉文義志氣
果銳以安危為己任附之者謂其英武有明帝之風
仲堪聞恭舉兵勒兵趣發悉以軍事委南郡相楊佺
期兄弟佺期帥舟師五千為前鋒桓玄次之仲堪帥
精兵二萬繼下佺期自以其先漢太尉震至父亮九
世皆以材德著名於其門地謂江左莫及而時流以
其晚過江婚宦失類兄弟皆麤獷每排抑之佺期常
切齒欲因事際以逞其志故亦贊成仲堪之謀八月
佺期及玄奄至湓口王愉無備惶遽奔臨川玄追獲

之
集覽

戮其所愛謂殺王國寶王緒事在去年麤獷
麤通作粗心不猜也說文狠也獷古猛反獷

師古曰粗惡貌言無親也說

質實

廣州注見武帝太
康元年交廣荊州

文若犬之獷獷不可附也
注見漢獻帝建安十二年豫州注見周赧王三十六
年陳州劉牢之彭城人晉陽之甲注見上年湓口注
見元興三年一統志云臨川三國吳之郡名隸揚州
晉隸江州齊臨川郡徙治南城梁復治臨汝隋罷郡
置撫州治臨川大業初改為臨川郡唐初復為撫州
後改臨川郡乾元初復為撫州五代時楊吳置昭武
軍節度宋仍為撫州隸江南西路元置
撫州路本朝改為撫州府屬江西道

魏遣使循行郡國

魏王珪命有司正封畿標道里平權衡審度量
遣使循行郡國察守宰不法者親考察黜陟之
集覽

平權衡平皮命反平其不平曰平權重衡平也權者
銖兩斤鈞石也權與物鈞同而生衡所以知物之輕
重也審度量審詳察也明堂位周公制禮作樂頒度
量而天下大服正義曰度者分寸尺丈引也所以度
長短也本起黃鍾之管長以子穀秬黍中者一黍為
一分寸分為一寸十寸為一尺十尺為一丈十丈為
一引而五度審矣量者侖合升斗斛也所以量多少
也本起黃鍾之侖以子穀秬黍中者千有二百實為
一侖十侖為一合十合為一升十升為一斗十斗為
一斛而五量審矣又黃鍾之說注見梁武帝天監元
年

九月加會稽王道子黃鉞討王恭恭司馬劉牢之執恭
以降斬之以牢之都督青兗七州軍事桓玄為江州刺

史楊佺為雍州刺史敕殷仲堪使回軍考異

斬當作誅
提要敕作

點

九月加會稽王道子黃鉞以世子元顯為征討都督
遣王珣將兵討王恭譙王尚之將兵討庾楷尚之大
破楷於牛渚楷奔桓玄玄大破官軍於白石進至橫
江尚之退走道子屯中堂元顯守石頭珣守北郊以
備之恭素以才地陵物既殺王國寶自謂威無不行
伏劉牢之為爪牙而以郗曲將遇之牢之負才懷恨
元顯知之遣人說牢之使叛恭事成授以恭位號牢
之謂其子敬宣曰恭為帝舅不能翼戴帝室數舉兵
向京師吾欲討之何如敬宣曰朝廷雖無成康之美
亦無幽厲之惡而恭恃其兵威暴蔑王室大人親非
骨肉義非君臣今日討之於情義何有參軍何澹之
知其謀以告恭恭不信更置酒拜牢之為兄精兵堅

甲悉以付之使帥帳下督顏延為前鋒牢之至竹里
斬延以降遣敬宣還襲恭恭兵潰亡走為人所獲送
京師斬之恭臨刑神色自若謂監刑者曰我聞於信
人所以至此然其本心豈不欲忠於社稷耶但令百
世之下知有王恭耳詔以牢之代恭為都督刺史鎮
京口俄而楊佺期桓玄至石頭殷仲堪至蕪湖上表
理王恭求誅牢之牢之帥北府之眾馳赴京師軍于
新亭佺期玄見之皆失色回軍蔡洲朝廷未知西軍
虛實內外憂逼桓脩言於道子曰今若以重利啗玄
及佺期二人必內喜玄能制仲堪佺期可使倒戈取
仲堪矣道子納之以玄為江州刺史佺期為雍州所負
刺史黜仲堪為廣州刺史遣使宣詔敕使回軍

實

黃鉞注見漢後主建興六年牛渚山名注見武帝
太康元年白石壘名注見宋明帝泰始元年橫江

注見漢獻帝興平元年石頭城名注見漢獻帝建安
十七年竹里山名注見隆安元年蕪湖縣名注見成

帝咸和二年新亭注見元興元年蔡洲注見梁武帝
太清二年倒戈注見武帝泰始七年成康謂周成王
康王幽厲謂周幽王厲王
己上俱詳見通鑑外編

書法

前書桓玄舉兵反陷江州矣此書以桓玄為
江州刺史此書敕殷仲堪使回軍矣下書復

以殷仲堪督荆益軍晉之無政益甚矣綱目
以桓楊興宰之同書所以見晉賞之無章也

發明

恭仲堪元同反然獨討恭何也恭再舉兵向
闕且身為盟主故朝廷獨致其討而宰之是

其部將執之以降亦不復為嫌也當是時典午衰
微諸鎮開亂王恭雖死而羣凶尚爾逋誅甚至敕
使回軍猶復拒不從晉之無政抑
可知矣綱目備而書之蓋傷之也

南凉取嶺南五郡

楊軌屯康川收集夷夏衆至萬餘遣使降於南涼軌
尋為羌苻梁饑所敗西奔儋海饑遂進攻西平南涼
王烏孤欲救之羣臣憚饑兵彊多以為疑左司馬趙
振曰楊軌新敗呂氏方彊洪池以北未可冀也嶺南
五郡庶幾可取大王若無閑拓遠志振不敢言必欲
經營四方此機不可失也使羌得西平夷夏震動非
我之利也烏孤喜曰吾亦欲乘時立功安能坐守窮
谷乎遂進擊饑大破之樂都湟河澆河太守皆以郡
降嶺南羌胡數萬落皆附
集覽 僊海西胡國名
於烏孤烏孤更稱武威王
集覽 僊字未詳
質實
嶺南五郡張九韶曰嶺南謂嶺嶠之南即河西之地
五郡謂武威張掖酒泉燉煌金城等處樂都郡名注
見漢宣帝元康四年湟中湟
河澆河二郡名未詳處所

冬十月燕長樂王稱皇帝考異

提要王下有盛字

考證

長樂王當作長

樂王盛

○復以殷仲堪督荆益軍仲堪等罷兵還鎮考異

提要軍上漏州字

殷仲堪得詔書大怒趣桓玄楊佺期進軍玄等喜於
朝命欲受之仲堪遽自蕪湖南歸告喻蔡洲軍士曰
汝輩不敢吾至江陵盡誅汝餘口佺期所部二千人
先歸玄等大懼狼狽西還追仲堪至尋陽及之仲堪
既失職倚玄等為援玄等亦資仲堪兵雖內相疑阻
勢不得不合乃以子弟交質而盟連名上疏申理王
恭求誅劉牢之及熊王尚之并訴仲堪無罪朝廷深
憚之乃復以荊州還仲堪優詔慰諭仲堪等乃受詔
推玄為盟主玄愈自矜倨佺期甚恨密說仲堪襲之
仲堪忌佺期兄弟勇健恐既殺玄不可復制苦禁之
於是各還所鎮玄知之亦有取佺期之志乃屯於夏
口引卞範之為謀主時詔書獨不赦庾楷玄以楷為

武昌太守質實

江陵縣名注見漢獻帝建安十三年狼狽

建安十二年武昌郡名

注見漢後主建興七年

書法

書復以何譏不能令也復督荆益而後罷兵書仲堪可也曷為以等書之仲堪不復則二

鎮之兵猶未罷也然則晉之弱三鎮之恃益見矣復以之例有四有改過之辭有貳過之辭有不能

令之辭有因仍之辭殷仲堪督荆益軍唐時潯陽化節度王建西川節度崔曄司空同平章事後唐

石敬瑭河東節度使皆不能令之辭也詳漢文帝十四年

十二月魏王珪稱皇帝

魏王珪命吏部郎鄧淵立官制協音律儀曹郎董謐制禮儀三公郎王德定律令太史令龜崇考天象尚

書崔宏總而裁之以為永武十二月珪即皇帝位命
朝野皆束髮加帽追尊祖毛以下二十七人皆為
皇帝魏之舊俗孟夏祀天及東廟季夏帥兵却霜於
陰山孟秋祀天於西郊至是始倣古制定郊廟祭饗
禮樂又用崔宏議自謂黃帝之後以土德王徙六州
二十二郡守宰豪傑二千家于代都東至代郡西及
善無南極陰館北盡參合皆為畿內
其外四方四維置八部帥以監之
集覽 善無地名
西陰館縣名屬鴈門郡案鴈門郡案鴈門郡
門郡今代州是也屬太原府
正誤 善無今按善無漢
縣名屬鴈門郡
質實 陰山注見秦王政三年代都即平城注見漢高
帝七年代都注見秦王政三年一統志云陰館
秦之縣名屬鴈門郡漢因之東漢末廢
故城在太原府城東北三百五十里

妖人孫泰謀亂伏誅

初秦學妖術於杜子恭士民多奉之王珣惡之流秦
於廣州王雅薦於孝武帝云知養性之方召還累官
至新安太守秦知晉祚將終以討王恭為名收兵聚
貨謀作亂以中領軍元顯與之善無敢言者會稽內
史謝輜發其謀會稽王道子誘而斬之并其六子兄
子恩逃入海愚民猶以為秦蟬蛻不死就海中資給
之恩乃聚合亡命得
百餘人以謀復讐
集覽
輜音猷
質實
蟬蛻解殼也莊
子知北遊篇云
身非汝有是天地之委形也生非汝有是天地之委
和也性命非汝有是天地之委順也孫子非汝有是
天地之委蛇也註言
氣自委結如蟬蛻也

御批資治通鑑綱目卷二十二